

T5236.074432

四

7

31

文翰類選大成

文翰類選大成卷第七十七五言絕句目錄
國朝

哈佛大學
圖書館
珍藏印

劉伯溫計三 高啓 七首 楊基 一首 管訥 九首

劉渙 五首 吳琳 一首 陶凱 一首 周頊 一首

熊鼎 一首 牛諒 一首 吳雲 三首 劉崧 一首

楊士奇 六首 吳溥 六首 周述 五首 張徹 一首

錢復亨 四首 胡奎 二首 董玘 三首 金鉉 一首

王恭 六首 趙迪 十首 蘇平 九首 藍靜之 五首

王逢 一首 李時勉 八首 張一民 一首 劉績 九首

鄭嘉 一首 王誼 一首 錢遜 一首 孫昭 一首

萬節 九首 劉師邵 一首 張楷 七首 周鼎 二首

小小雛渠鳥雙入畫樓樓中人怨別愛爾不知愁
欲寄音書去書成之便掛掛書上樓望淚洒鷓鴣裘
長門怨

白露下玉除風清月如練坐看池上螢飛入昭陽殿
菰蒲三首

菰蒲清川渚水淺蒲不長自非排風羽莫羨凌雲翔
菰蒲江水湄終日不盈把媼殺紫鴛鴦雙戲蒲葉下
菰蒲復菰蒲織作波紋篔簹無處寄相思秋風露蓮淡

歲晏

歲晏悲風急空江白晝陰苦蘆與紅蓼無處不傷心

題小畫

庭前綠荷葉香氣濃於酒醪雨忽飛來的皦明珠走

團扇

高啓

團扇圓且潔人言似明月明月豈得如長圓不曾缺

尋胡隱君

渡水復渡水看花還看花去風江上路不覺到君家

歎墻下草

青青墻下草經霜未枯槁雖是見春遲還免逢秋早

赴京道中逢還鄉友

我去君却歸相逢立途次欲寄故鄉言先詢上京事

卧雲室

夕卧白雲合朝起白雲開性自有心長在不隨雲去來

吐月峰

四更棲鳥驚山白初上月起開東閣看正在雲峰缺

和陳左司夜泊桐江

月出釣臺樹長灘秋更喧
猶如宿巫峽唯少一聲猿

聞鴈

楊基

天寒霜月苦人遠秋衣綻
獨坐聽長更燈前一聲鴈

畫菜

管訥

白白霜根嫩青青兩甲鮮
若生無此色四海正豐年

重九呈兄勉翁

千里同為客驚心節序催
老心思故園菊今日為誰開

初度日復呈兄勉翁三首

客裏逢初度艱難老弟兄
一杯稱壽酒多少故鄉情
勸酒重持杯杯深喜不辭
願將今日意同保百年期
黃花開未了綠酒釀來新
以白能歡聚吾鄉有幾人

江行三首

晚過三江口江空水急流
船頭燈火起只尺是黃州

野色含江薄沙痕帶水長
東風無白浪容易下蘄陽

野樹微茫裏江流浩蕩間
舵樓烟雨重不見九華山

送樂長蔣法宏母憂南還

昨日鄉書至萱花悴北堂
東風兩行泪逆水到清湘

初夏即事

鎬煥

野色滿庭戶晝涼清景佳
一雙白練帶飛上石榴花

偶成二首

雪色西窗馬臨流頽影嘶
似嫌金絡重蹉碎落花泥
舞女花前過輕如小燕飛
教坊新結束翠羽織春衣

春日漫興二首

莫道梨花瘦楊花更可憐隨風消雨恨捲在客窓前
風顛溪水急小艇刺不住回顧語阿童休持釣竿去

烟波亭

吳琳

漢水連天闊江雲護曉寒青山數點最好倚闌看

閨情

陶凱

妾住金陵步郎上西江船光陰似流水安得長少年

寫江岫春晴圖

周頊

汀洲碧草生鳧鴈動春聲莫上高亭望能傷送別情

題江岫圖

熊鼎

雪渚水初生寒雲落鴈聲片帆天共遠南望總闌情

紅梅

牛諒

隴頭人未來江南春幾許惆悵玉簫聲吹落胭脂雨

題周伯心

山送別圖

吳雲

江山天共遠無限別離人去長亭在空餘落鴈聲

秋夜二首

中秋不見月相思情未絕倦對讀書燈風來自吹滅

寒光滿天上明月在水中照我雙塘蓮葉生秋風

昭君

劉崧

承認辭金闕嗚悲入塞城可憐沙上月渾似漢宮明

古意答伯陽

楊士奇

河洲雙鴛鴦流蕩還相逐皎皎白楊花風吹不相續

吳教授席上同伯陽汲井詠

皎潔如明鏡銅餅下愈深粧成不照影應恐墜金簪

夾溝遇邑人問家信

問道故鄉來辭家今遠近恐有南京書傳舟試相問

居庸關彈琴峽

峽石記彈琴冷、流水音不知行路者誰有聽琴心

贈筇竹

愛尔生正直杖尔扶衰老道路有險夷出入常相保

代筇竹

正直余何有道義卿所持但自保堅固無論險與夷

白髮

吳溥

鬢髮今全白應無再黑時晴牕縮新沐拾得幾莖絲

自嘆二首

一榻寒如水蕭然坐夜深衰顏無藥駐病骨怕寒侵

去鄉三十年顏貌惚非昔昨日鄉人來人、不相識

送外姪載積善

遠樹千里暗江聲日夜哀鍾山山下路不見汝重來

問菊

正是開花日如何尚未開叮嚀戒童子日、寫詩催

代菊荅

物性固非一榮枯自有時正須看晚節慎勿訝開遲

舟中偶成二首

周述

野曠天無際舟行日欲斜浦林黃葉落不省是誰家

天際雲山出沙邊鴻鴈鳴鄉心秋更切何處搗衣聲

夜宿新橋一首

明月瀉金波夜深寒氣多孤舟渾不寐何處櫓聲過

十月猶為客寸心誰最親閨中如見月應憶遠行人

新月

新月見纖纖，含羞為下簾。嫦娥應笑我，白髮近來添。

竹

張徹

亭之立雙玉，高入青雲中。一夕雷雨作，騰空飛兩龍。

西陵偶興二首

錢復亨

縛屋半山，中雲深路不通。老僧能結伴，心與白雲同。

當日看花坐，無錢酒亦賒。即今悲老大，對酒怕看花。

村居

村居地幽寂，往來人事寡。屋後多好山，門前少車馬。

經舊歌臺

窈窕舊歌臺，春花冷淡開。可憐人不見，只有燕飛來。

江邊柳

胡奎

朝送木蘭船，暮迎征馬鞭。非關離別苦，生長在江邊。

關山月

萬里關山月，東西共一天。遙憐馬上見，不是在家圓。

題鴈

章珞

春日江南少，秋風塞北無。漢王乘物候，於此結匈奴。

詠龍

孔明歸蜀主，傳說作商臣。不是池中物，安能又屈身。

昭君

人皆媚子都，我獨漢恩孤。強拭琵琶淚，檀房事羯胡。

詠竹林七賢

金鉉

深竹晴烟暝，羣公樂事繁。其誰在典午，今日負殊恩。

送劉逸人還中山

王恭

落日鷓鴣鳴
送林獨送行峰
回看不見望望
有餘情

漁笛

漁人將楚竹
吹向月明中
莫唱梁州曲
金河有斷鴻

聽猿

鷓鴣

十年聞笛恨
此夕更沾襟
別淚三聲下
孤愁一夜深

草色

拂拂度林梢
霏霏上野亭
主孫歸未得
空向雨中青

宿鳥

深林織月上
啼鳥獨棲時
夜半山風急
驚飛過別枝

盤石閑雲

趙迪

盤石有閑雲
氤氳結林莽
倏忽因風吹
此作林間雨

閑庭塔影

虛庭夕照來
高標掛寒影
默然悟空言
汲深木秋襟冷

虛室絃聲

空齋寂無人
絃桐奏流水
飛絮落寒潭
靜逐浮雲起

書鄭公啓畫扇

幽人愛青山
結屋空林裏
夜深夢白雲
明月在溪水

賦得秋江漁唱

漁舟晚唱來
聲度蘆花影
月落曲未終
江空釣綫冷

遠岫堆藍

微茫江上峰
青雨積幽人
興無窮
閉門對秋色

螺渚春雲

暝作秋前雨輕隨江上風朝來凝望久

梅竹

湘水秋雲暝孤山曉雪寒昔人多逸興

天鵝

飲啄渚田中棲薄蕪葭葭岬不與鳧雁同

鷓鴣

朝浴湖水濱暮宿菰蒲裏偶值盪舟人

琴月

獨抱龍門桐清商中夜發萬古無鍾期

茶煙

瀾茗起孤煙蒼茫翳庭樹亂逐落花風

詩囊

得句投錦囊誰云嘔心血落載珠璣盈貯風月

酒瓢

酌酒同死生寧為許由棄寄語獨醒人何妨共沉醉

長劍

古鐵含蒼精床頭作龍吼可似烈士心難容佞臣首

短檠

焚膏對遺經終夜耿不寐有恙思燭滅亡何心照珠翠

布被

布素誠自溫青綾豈云雅飾以惡公孫清貞尚司馬

紙帳

碎搗剡溪霜床懸白雲影夜半詩夢醒寧愁蠶窠冷

題蘭

涼葉吹惠風芳叢浥清露深公不逢人幽香暗中度

題車老人墨竹

藍靜之

秋色映琅玕青共歲寒過澹山月白留影見棲鸞

題垂綸意

雲樹遠重川平夕有風買魚呼不應船過釣臺東

題樵隱音

野橋橫澗淺茅屋傍林微隱者無尋處春山伐木歸

墨菊

晚節黃金盡霜枝淡墨新東籬日昏黑不見白衣人

桃花

花鳥最娛人良工筆更真覆棟無限思長占一枝春

淵明把菊為居生題

王逢

解官賦歸田把菊秋風前顛問

劉寄奴何如傅延年

征婦怨三首

李時勉

前年征塞北今歲戍邊西幾度口歸信空驚鳥鵲啼

獨夜登樓望如聞笳吹聲月明沙塞遠何處是君營

庭前相送處綠樹葉皆飛借問去來鴈秋深夫可歸

商婦怨二首

百歲以相期安知有別離去時尤在腹今已長過眉

憶昔結髮時兩鬢黑如漆但恐一石歸來白頭不相識

雜詩

麋鹿食田穀日向田中聚飽來山下眠豈念耕者苦

題畫竹

翠羽隱遙堤脩拂澗霓狂風吹莫折留待鳳凰栖

題菜

名園初雨過嘉蔬寒色新惟在清溪者可以長相親

留別鏡湖諸友

張一民

未別先已懷別後當如何留將三五字情至即高歌

竹西渡

鎰績

渡口秋水深芙蓉尚堪采聞郎竹西去倚着蘭舟待

石家池

暮行石池上水淺蒲芽長不見池上人白漚自來往

四波亭

幽亭當水中四面芙蓉發夜涼人未眠掬水弄秋月

草阜坳

東坳春草長西坳白日晚獨有坳中兒牧牛知近遠

為北郭悼亡二首

獨坐思芳晨鶯花冷咲春自從粧閣閉誰拂鏡臺塵
耳畔聲猶在生前夢已殘梨花今夜月憶着並床看

即事

十五學擣蒲非盧道是盧媚人教勿語密地與青蚨

送蕭山五舉子赴秋闈

同學又同鄉秋來一種忙從今五枝桂不屬實家郎

自題詩本

幼小工刺繡極知箴綫難祇綠花樣古不耐入時看

青山白雲圖

鄭嘉

雲去空山青雲在空山白白雲只在山長伴山中客

婕妤怨

王誼

玉簫夜涼新秋蛾暗裏頓如何天上月獨照掌中人

閨思

錢孫

望斷傷春眼湘簾懶上鈎落花深院靜鸚鵡對人愁

雙乳犬

孫昭

毛色嫩茸金鈴振綵絨未諳迎客吠雙睡藥闌東

偶成

萬節

夢回憶雙親起坐候天曉但得平安書何拘字多少

為許良醫題小景四首

山翠滴空濠人家蘿薜中宛然杜陵宅不辨滾西東
樹色兼山色嵐光接水光何因謝簪紱伴尔濯滄浪
淡月半黃昏晴梅弄疎影紙帳掩輕寒羅浮夢初醒
暮雪積長林溪山渺何處群雀噪無聲迴翔不能去

四時小景四首

白頭雙玳禽當畫弄清影欲識春風還海棠睡初醒
好鳥金作衣好花玉作藥嘆息鳥与花圖中見雙羨
山空桂花發頗覺涼吉早鸚鵡忽驚秋不知秋已老
積雪照寒晴策梅吐奇萼野鳥立枝頭雙欣有托

石

錫師邵

光潤欲生雲苔花剥翠紋夜寒霜月白應怯李將軍

瓜

小園朝日晞采露沾衣莫作黃臺植迎秋抱蔓歸

折枝梅

折取江南花欲寄江北去路遠不逢人馨香手中故

早發韶州渡河

以下七首俱和唐韻

張楷

駃車臨廣坂策馬渡河橋共是功名客閑雲莫見招

昭君怨

掩淚辭群馬含悲想六龍空持舊時鏡不照舊時容

白石灘

灘水清且深白沙細盈把應有濯纓人扁舟時上下

山中寄諸弟

久別鴈鴻侶還隨麋鹿群山深不可見日暮只看雲

雜詩

家書來故鄉一、心中事欲擬附回音孤舟晚開未

送張起崔載華之閩中

心同休怨別身在莫憂貧且盡盃中酒江南少故人

田家

鴉鳴夕陽樹鷺下秋田雨田家無四隣遶籬種禾黍

春江小景

周鼎

春江綠於染曉樹薄籠烟人在紅樓裏凭闌看釣船

睡虎

百獸不敢近獨臥南山春不知清夢裏曾見寢皮人

文翰類選大成卷七十七

文翰類選大成卷第七十八六言絕句目錄

晉

陸士衡一首

唐

王摩詰五首 皇甫茂政三首 張懿孫一首

劉文房五首

顧逋翁一首 王仲初四首 李景伯一首

常應物二首

宋

王介甫二首 蘇子瞻二首 文與可三首

黃魯直計二

蘇文潛一首 蔡少卿一首 李仲晦四首

元

趙子昂四首 虞伯生二首 揭曼碩一首

陳雲璈一首

葉景南十首 張光弼一首 李繼本一首

Blank page with faint bleed-through text from the reverse side.

國朝

劉基 三首 高啓 二首 謝應芳 二首

王文靜 二首 王恭 七首 胡儼 六首

趙迪 三首 李仲訓 四首 藍靜之 三首

黃淮 三首 晏驛 二首 錢復亨 二首

萬節 六首

張宣中 四首

林真 二首

管訥 四首

張楷 八首

文翰類選大成卷第七十八 六言絕句目錄

文翰類選大成卷第七十八

左長史上海李伯輿編輯

伴 讀慈谿馮厚校正

詩類六言絕句

晉

飲酒樂

陸士衡

蒲萄四時芳醇 瑠璃千鍾 舊賓夜飲 舞遲銷燭 朝醒弦促 催入

唐

○ 田園樂五首

王摩詰

采菱渡頭風急 策杖村西日斜 杏樹壇邊漁父 桃花源裏人家
菱子春草秋綠 落子長松夏寒 牛羊自歸村巷 童稚不識衣冠
山下孤烟遠村 天邊獨樹高原 一瓢顏回陋巷 五柳先生對門

桃紅復含宿雨。柳綠更帶朝烟。花落家僮未掃。鳥啼山客猶眠。酌酒會臨泉水。抱琴好倚長松。南園露葵朝折。西舍黃梁夜舂。問李二司直 皇甫茂政

門外水流何處天。邊柳遠誰家山。絕東西多少朝。幾度雲濤。送鄭二之茅山

水流絕澗終日草長深。山暮春吠犬鳴鷄。幾處條桑種杏何人無題

江上年。春草津頭日。人行借問山陰遠。近猶聞薄暮鐘聲。奉寄皇甫冉 張懿孫

京口情人別久揚州估客來。踈潮至潯陽回去相思何處通書。尋張逸人山居 劉文房

危石纔通鳥道空。山更有人家。桃源定在深處。澗水浮來落花。發越州赴潤州使院留別鮑侍御

對水看山別離孤舟日暮行。逢江北江南春草獨向金陵去時。送陸禮還吳中

仄步寒潮送客揚。柳暮雨沾衣。故山南望何處秋草連天獨歸。茗谿酬梁耿別後見寄二首

清川永路何極。落日孤舟解攜鳥。向平蕪遠近人隨流水東西。白雲千里萬里明月前溪。後溪惆悵長沙謫。江潭芳草萋萋。

歸山 顧逋翁
心事數莖白髮生涯一片青山。空山有雪相待古道無人獨還。宮中三臺二首 王仲初

魚藻池邊射鴨芙蓉園裏看花。日色柘袍相似不著紅鸞扇。渡池北池南草綠殿前殿後花紅。天子千年萬歲未央明月清風。

魚藻池邊射鴨芙蓉園裏看花。日色柘袍相似不著紅鸞扇。渡池北池南草綠殿前殿後花紅。天子千年萬歲未央明月清風。

江南三臺二首

青草湖邊草色飛，猿嶺上猿聲萬里三。湘客到有風有雨，人行樹頭花落，花開道上人去。人來朝愁暮愁，即老百年幾度三臺。

回波樂

李景伯

回波爾時酒卮微，臣職在箴規。侍宴既過三爵，誼譁竊恐非儀。

三臺二首

韋應物

一年一年老去，明日後日花開。未報長安平定，萬國豈得啣杯。冰泮寒塘始綠，雨餘百草皆生。朝來門閣無事，晚高齋有情。

宋

題舒州山谷寺石牛洞

王介甫

水泠泠而北出，山靡靡以旁圍。欲窮源而不得，竟悵望以空歸。

題西太一宮壁二首

柳葉鳴蜩綠暗，荷花落日紅酣。三十六陂春水，白頭想見江南。

二十年前此地，父兄持我東西。今日重來白首，欲尋舊迹都迷。

次荆公題西太一宮壁二首

蘇子瞻

穠早川原淨麗，雨餘風日清酣。後此歸耕，劍外何人送我池南。但有樽中若下，何須墓上征西。聞道烏衣巷口，而今煙草萋迷。

獨坐

文與可

不報門前賓客，已收案上文書。獨坐水邊林下，宛如故里閒居。

相如

相如何必稱病，靖節奚須去官。既下其誰不許，如愚是處皆安。

鷺鷥

避雨竹間點，迎風柳下翻。靜依寒蓼如畫，獨立晴沙可憐。

題山谷石牛洞

黃魯直

司命無心播物祖師有記傳衣白雲橫而不度高鳥倦而猶飛
有懷半山老人再次韻二首

短世風驚雨過成功夢迷酒酣草玄不妨準易論詩終近周南
啜羹不如放麋祭羊終愧巴西歆問老翁歸處帝鄉無路雲迷
題鄭防畫夾三首

子母猿啼榭葉山南山北危机世故誰能樗里穀中皆是由基
惠崇烟兩歸鴈坐我瀟湘洞庭欲喚扁舟歸去故人言是丹青
折菖枯荷共晚紅榴苦竹同時睡鴨不知飄雪寒雀四顧風枝

蟻蝶圖

蝴蝶雙飛得意偶然畢命網羅群蟻爭收墜翼策勲歸去南柯
有惠江南帳中香者戲作

螺甲割崑崙耳香材屑鷓鴣斑欲雨鳴鳩日永下帷睡鴨春

題王子應所截大年墨鴈

鴻鴈栖，導渚黃蘆索，鳴秋羨殺承平公子筆端萬里滄洲

題江山烟雨圖

虞伯生

千村春水方生萬里歸帆如羽不知誰在層樓卧看江南烟雨

題聶空山翁

客來山雨鳴澗客去山翁醉眠花外春雲藹，竹邊秋月娟娟
過何得之先生故居五首

揭曼碩

可憐古井門外依舊鍾樓屋西何處高吟痛飲黃花翠竹都迷
心事巢由以上文章陶阮之間千古高墳保下白雲明月青山
軋，機聲日暮依，揚柳春柔膝下中郎小女曾聽唱我高郵
頭上烏紗分贈篋中縞楮相酬不道別時長別誰知愁是真愁
屋上青天未老門前白日常新他日皋夔稷禹安知不是斯人

焦山題塔

陳雲嶠

樹老雲間鳥宿洞深月落潮迴此時此興不淺何日何年再來

秋暮田園雜興

葉景南

濁酒滿斟自適柴門雖設常關與老為期白髮相看無厭青山

春郊即景

微雨弄晴天氣輕寒釀暖時光柳外涼飈滿袖花邊香露沾裳

沙溪清隱

繞屋一灣水綠迎軒數朵峰青沙路鷗盟新定雲松鶴夢初醒

幽居即事

騎牛過白雲嶺放鶴出翠松關樵唱偶歌一曲清聲直度千山

九日寄興三首

故侶無心送酒老翁有意留題舊日龍山佳會如今風雨淒淒

白髮淒涼舊里黃花冷落東籬西望夕陽歸路澹烟衰草堪悲

黃菊香殘夜雨烏紗醉落秋風回首十年舊事亂雲流水西東

月夜梅邊即事

杳杳寒雲滿溪月明津渡人迷夢入江南舊路夕陽流水橋西

送阮師真之宣城

江東日暮雲間敬亭千古高寒若見謝公傳語沈郎依舊衣寬

與故人序別

六尺形驅消瘦十年故舊西東試問市橋官柳近來幾度春風

題青山白雲

張光弼

一箇茆廬何處小橋古木溪灣但見山青雲白不知天上人間

菊蹊

李繼本

荒徑雨苔未掃踈籬霜蓋先開綠酒從人放飲白衣為我携來

國朝

題山水小畫二首

劉基

鄂渚輕舟未發瀟湘倦客多愁可恨一江春水無情日夜東流
碧草桃源路斷紫芝商領雲深高樹月明啼鴉一聲一度傷心

題畫竹

葉間重露猶滴林表寒烟未開想見沅湘江上月明環佩歸來

楊氏山莊

高啓

斜陽流水幾里啼鳥空林一家客去詩題柿葉僧來供煮藤花

陶秘書廣陵送別圖

暮雨潮生瓜步春山樹繞蕪城惆悵離舟欲發江南烟寺鐘聲

題畫

謝應芳

老樹骨立偃蹇秋山氣勢崔嵬閑却一江風月扁舟罷釣歸來

簡錢士遠

一榻青苔對雪五湖春水流漸欲遣長須覓酒聊將短札題詩

春景

張宜中左長史

林花紅濕宮錦岬草綠碾香輪半世千場是醉百年幾度逢春

夏景

翠竹初含新粉綠荷更貼青錢鶯啼落花三徑客撫薰風五絃

秋景

紅樹家邊野水黃蘆岬上秋聲宋玉當年難賦歐公此夜多情

冬景

飄雪初消野樹梅花開遍溪橋金帳何人酒美梁園詞客風騷

題梅竹

王文靜

香冷尤宜雪後花疎甚覺春遲月下瑤釵影動閑吹碧玉參差

題墨竹

蕭々晚色秋容媚々烟梢雨叢樵子歸來林曲澗泉流下坡東

題畫

王恭

白首支離傲世青山獨坐忘言長嘯一聲何處斷雲流水僊源

畫扇面

茅屋垂蘿野烟青山獨樹涼蟬白首豈能忘世桐江未勝滋泉

題水墨小景四首

小艇水雲磯口孤琴蘿月山陰郢曲向來誰和林泉尚有知音
出岫雲非有意忘機鳥亦知歸莫話城中舊事與君同是荷衣
白鷗門外孤艇黃葉山中一瓢惆悵青雲舊侶相思不到漁樵
絕頂閑雲翠微孤琴野杖荆扉惆悵同聲到遠青山斜日行歸

墨竹

秋影半枝金蕊上池涼露何多誰把玉簫吹斷湘江一夜寒波

三臺二首

胡儼

一陣霜風乍起半窻月影初斜寶匣燒殘香篆銀缸落盡燈花
坐穩錦茵重疊醉來烏帽欹斜誰遣青娥闔月自憐銀燭生花

題夏尚書金碧山水圖四首

碧嶂丹崖春色絳桃綠樹人家逕轉時逢樵牧雨晴初見菜麻
綠樹平林遠近落紅流水西東幾處雞鳴烟外數聲犬吠雲中
何人策蹇獨往有客抱琴共還一葉扁舟溪上百年古屋林間
茶竈筆床棋局白沙翠竹漁梁一似輞川別墅還如綠野華堂

題松下鼓琴小景

林真

松下風來淡々溪頭水響潺々一曲陽春白雪偷將半日清閒

題曉隴耕雲小景

山倚青空重疊樹連蒼靄縱橫小笠輕策雨裏何人驅犢春耕

賦得淘江晚渡

趙迪

寒江欲暮楓落漁梁爭渡人遙杳暝帆何處清芳草歸湖

春潮帶雨二首

楊柳風含曉雨桃花水漲春江暝色凝烟滿棹寒聲驚雁幾雙
魚浪紅吹花片燕泥香拂船窗夜泊蒲荷深處孤蓬一點銀缸

西臯四首

李仲訓

流水小橋楊柳短墻深巷桃花魚子晴生墨沼鶯聲暖囀窻紗
綠樹屯雲不散紅渠沐雨齊開問字鄰人時至抱琴佳客重來
酒熟黃鷄肥候月圓丹桂香時誰道先生無事半醒半醉題詩
霜徑紫苔還掃雪林紅葉已稀昨夜南枝花發家童報道春歸

題青山白雲圖

藍靜之

郊屋何人共住石林似我曾遊白雲只在半嶺青山誰到上頭

題南山秋色示澤

南山一片秋色老子半間白雲他日瓢中酒熟竹林風月平分

題魏宰羽面小景

山上層層僧舍樹間短短苑簷他日官閑無事杖藜添箇陶潛

墨蘭二首

管訥

青草三閭亭下蒼梧二女祠前欲采幽芳寄遠月明秋水娟娟
楚畹光風曉泛湘浦半泣露秋零我欲紉之為佩幽懷挹此芳馨

題墨梅送友人

黃鶴樓前玉笛看花吹徹春聲一別故人何處江南月落參橫

應山道中

標木千株葉落梅化一樹香來從騎休吹羌管山中野鶴驚鷺宿

題山水

黃淮

揚柳千林晴日美。萬疊鷗波借問吟翁漁子何人得趣偏多。
題雜畫

野水風翻翠轂春山烟染青螺釣艇歸來何處溥暮時聞棹歌。
題枯木竹石

清逼枝間翡翠光浮石上珊瑚三徑涼風蕭颯半簾烟雨模糊。
九峯山行二首

三徑重開書屋九峰舊隱人家欲辨武陵春色溪流泛出桃花。
曲徑沿流上下蒼苔白石磷磷落日惟聞啼鳥空山更少行人

送黃太守二首

錢復亨

青山一盃別酒白髮數首新詩五馬相公行處千家燕子未時。
江比江南春半山後山前暮晴芳草渡頭客散桃花馬上人行。

田園樂五首

以下八首俱和唐音

張楷

綠楊樹頭山近碧草門前徑斜閉戶不干心慮杖藜時到隣家。
柴門有雀時到松迳無風自寒守分常甘農業逃名不著儒冠。
孤棹斜陽水村一犁暮雨平原藤花靡落地桑葉陰閉門。
清明處飛雨寒食家禁烟滿地桑陰獨步半窻花影高眠。
遶砌一灣流水當門數箇長松烟中漁艇初出雨裏人家夜春。

送鄭二之茅山

芳草堤邊渡水百花原上逢春在世誰非迴客入山方是閑人。
尋張逸人山居

緣溪五里十里隔水三家四家借問先生何處柴門流水桃花。
發越州赴潤州使院留別鮑侍御

傷心異域分離立馬留連去遲後會定期何日江南芳草青時。

題夏景小畫

萬節

垂柳陰中白晝浮嵐影裏青山半榻是誰孤坐等閑名利無關
題山水小景

幽樹半含晴靄遠山平挹朝嵐苑屋人家何處風烟彷彿江南
遠浦歸帆

極浦滄波杳渺遙山翠靄微茫落日孤帆何處平沙幾曲潯陽
平沙落鴈

風色烟沙白晝霜威野樹清秋塞鴈幾行天際夕陽遙映汀洲
山寺晚鐘

薄暮泉聲響澗殘陽林影孤村遙見山僧歸處疎鐘幾點黃昏
漁村夕照

獨柴村西漁艇重門樹底人家夕照平蕪遠近小橋流水橫斜
文翰類選大成卷第七十九七言絕句目錄

唐

王子安一首張道濟二首王摩詰九首宋延清一首

儲光羲三首劉文房十首高達夫一首岑參七首

皇甫茂政二首皇甫孝常一首邵詔一首李頎一首

錢仲文四首權載之一首張正言一首王少伯計五

孟浩然一首盧弼一首賀季真一首益嘉運一首

張懿孫二首于鵠一首盧允言六首韓君平六首

卽君胃三首司空文明四首崔峒一首方澤一首

李太白三首常建一首杜子美三首李從一一首

賈幼隣二首李楚望一首韋應物十首嚴季鷹一首

戎昱五首王仲初四首鍾離寂道一首李端一首

戴幼公 三首 李九齡 二首 顧逋翁 五首 雍裕之一首
 李君虞 八首 秦公緒 二首 陳羽 三首 呂和叔 一首
 儲嗣宗 一首 姚合 一首 柳子厚 六首 揚景山 三首
 韓退之 三首 江為 一首 賈浪仙 六首 劉言史 一首
 韋端已 五首 李才江 三首 包幼正 一首 李長吉 一首
 盧仝 三首 鄭守愚 九首 孟東野 二首 方雄飛 一首
 陳嵩伯 一首 薛大拙 八首 元微之 四首

文翰類選大成卷第七十九 七言絕句目錄

文翰類選大成卷第七十九

左長史上海李伯璣編輯
 伴讀慈谿馮厚校正

詩類七言絕

唐

○ 蜀中九日

王子安

九月九日望鄉臺他席他鄉送客杯
 人今已厭南中苦鴻鴈
 郵從北地來

襄陽路逢寒食

張道濟

去年寒食洞庭波今年寒食襄陽路
 不辭著屐尋山水祇畏
 還家落春暮

送梁六

巴陵一望洞庭秋日見孤峰上水浮聞道神仙不可接心隨
湖水共悠悠

○重九

王摩詰

獨在異鄉為異客每逢佳節倍思親遙知兄弟登高處徧插
茱萸少一人

○送元二使安西

渭城朝雨裊輕塵客舍青青柳色新勸君更盡一杯酒西出
陽關無故人

寄河上段十六

與君相見即相親聞道君家在孟津為見行舟試借閭客中
時有洛陽人

送別

送君南浦淚如絲君向東周使我悲為報故人憔悴盡如今
不似洛陽時

寒食汜上作

廣武城邊逢暮春汶陽歸客淚沾巾落花寂寂啼山鳥楊柳
青青渡水人

戲題盤石

可憐盤石隣泉水復有垂楊拂酒杯若道春風不解意何因
吹送落花來

題崔處士林亭

綠樹重陰蓋四隣青苔日厚自無塵科頭箕踞長松下白眼
看他世上人

私成口號誦示裴迪

萬戶傷心生野恨
百官何日更朝天
秋槐葉落空宮裏
凝碧池頭奏管絃

送韋評事

欲逐將軍取右賢
沙場走馬向居延
遙知漢使蕭關外
愁見姑城落日邊

花中逢雪應制

宋延清

紫禁仙輿詰旦來
青旗遙倚望春臺
不知庭雪今朝落
疑是林花昨夜開

寄孫山人

儲光羲

新林二月孤舟還
水滿清江花滿山
借問故園隱君子
時時來去住人間

同金壇令武平退朝二首

朝來仙閣聽絃歌
暝入花亭見綺羅
池邊命酒憐風月
浦口還船惜芰荷

花潭竹屿傍幽蹊
畫櫺浮空入夜溪
菱荷覆水船難進
歌舞留人月易低

奉使鄂渚

劉文房

滄州不復戀漁竿
白髮那知帶鉄冠
客路向南何處是
蘆花千里雪漫漫

送裴郎中貶吉州

猿啼客散暮江頭
人自傷心水自流
同作逐臣君更遠
三月山

新息道中作

蕭條獨向汝南行
客路多逢漢騎營
古木蒼蒼離亂後
幾家

同住一孤城

贈崔九

憐君一見一悲歌，歲久無如老去何。
白屋漸看秋草沒，青雲莫道故人多。

七里灘送嚴維

秋江渺渺水空波，越客孤舟欲榜歌。
手折衰楊悲老大，故人零落已無多。

過鄭山人所居

寂寂孤鶯啼杏園，寥寥一犬吠桃源。
落花芳草無尋處，萬壑千峰獨閉門。

酬李穆

孤舟相訪至天涯，萬轉雲山路更賒。
欲掃柴門迎遠客，青苔

黃葉滿庭秋

寄別朱拾遺

天書遠召滄浪客，幾度臨岐病未能。
江海茫茫春欲徧，行人一騎發金陵。

盛禪師蘭若

秋草黃花覆古阡，隔林遙見起人烟。
山僧獨在山中老，唯有寒松見少年。

送李判官之潤州行營

萬里辭家事，鼓鼙金陵驛。路楚雲西，江春不肯留。
歸客草色青，送馬蹄。

除夜

高達夫

旅館寒燈獨不眠，客心何事轉悽然。
故鄉今夜思千里，秋髮

明朝又一年

塞上聽吹笛

雪淨胡天牧馬還，月明羌笛戍樓間。
借問梅花何處落，風吹一夜滿關山。

玉關寄長安主簿

岑參

東去長安萬里餘，故人那惜一行書。
玉關西望堪腸斷，况復明朝是歲除。

首宿峰寄家人

首宿峰邊逢立春，葫蘆河上淚霑巾。
閨中只是空相憶，不見沙場愁殺人。

逢入京使

故園東望路漫漫，雙袖龍鍾淚不乾。
馬上相逢無紙筆，憑君傳語報平安。

傳語報平安

送人

西原驛路掛城頭，客散江亭雨未休。
君去試看汾水上，白雲猶似漢時秋。

春夢

洞房昨夜春風起，遙憶美人湘江水。
枕上片時春夢中，行盡江南數千里。

酒泉太守席上醉後作

酒泉太守能劍舞，高堂置酒夜擊鼓。
胡笳一曲斷人腸，座上相看淚如雨。

山房春事

梁園日暮亂飛鴉，極目蕭條三兩家。
庭樹不知人去盡，春來

還發舊時花

送魏十六還蘇州

皇甫茂政

秋夜沉，此送君陰蟲切，不堪聞孤舟明日毗陵道回首
姑蘇是白雲

酬張繼

悵望南徐登北固迢迢西塞望東關落日臨川問音信寒潮
惟帶夕陽還

萼嶺四望

皇甫孝常

漢家仙仗在咸陽洛水東流出建章野老只今猶望幸離宮
秋樹獨蒼蒼

漢宮片

邵謁

輻輳聲絕離宮靜斑斑幾處照金井梧桐老去殘花開猶似

當時美人影

寄韓鵬

李頎

為政心閑物自閑朝看飛鳥暮飛還寄書河上神明宰羨爾
城頭姑射山

歸鴈

錢仲文

瀟湘何事等閑回水碧沙明兩岸苔二十五絃彈夜月不勝
清怨却飛來

暮夜歸故山草堂

谷口春殘黃鳥稀辛夷花盡杏花飛始憐幽竹山窗下不改
清陰待我歸

訪李少卿不遇

畫戟朱樓映晚霞高梧寒柳度飛鴉門前不見歸軒跡城上

愁看落日斜

秋夜送趙冽歸襄陽

斗酒忘言良夜深紅萱露滴鵲驚林欲知別後思今夕漢水東流是寸心

舟行夜泊

權載之

蕭蕭落葉送殘秋寂寞寒波急暝流今夜不知何處泊斷猿晴月引孤舟

題張山人壁

張正言

世人結交須黃金黃金不多交不深縱令然諾暫相許終是悠悠行路心

聽人流水調子

王少伯

孤舟微月對楓林分付鳴箏與客心嶺色千重萬重雨斷絃

收與淚痕深

送別魏二

醉別江樓橘柚香江風引雨入船涼憶君遙在湘山月愁聽清猿夢裏長

送柴侍御

沅水通波接武岡送君不覺有離傷青山一道同雲雨明月何曾是兩鄉

閨怨

閨中少婦不曾愁春日凝粧上翠樓忽見陌頭楊柳色悔教夫婿覓封侯

西宮春怨

西宮夜靜百花香欲捲珠簾春恨長斜抱雲和深見月朧朧

樹色隱昭陽

西宮秋怨

芙蓉不及美人粧，水殿風來珠翠香。却恨含啼掩秋扇，空懸明月待君王。

青樓怨

香幃風動花入樓，高調鳴箏緩夜愁。腸斷關山不解說，依依殘月下簾鉤。

別李浦之京

故園今在灞陵西，江畔逢君醉不迷。小弟隣庄尚漁獵，一封書寄數行啼。

寄穆侍御出幽州

一從恩譴度瀟湘，塞北江南萬里長。莫道薊門書信少，鴈飛猶得到衡陽。

猶得到衡陽

重別李評事

莫道秋江離別難，舟船明日是長安。吳姬緩舞留君醉，隨意青風白露寒。

李倉曹宅夜飲

霜天留飲故情懽，銀燭金鑪夜不寒。欲問吳江別來意，青山明月夢中看。

觀獵

角鷹初下秋草稀，鐵騃拋鞚去如飛。少年獵得平原兔，馬後橫捎意氣歸。

蕭駙馬宅花燭

青鷺飛入合懽宮，紫鳳銜花出禁中。可憐今夜千家裏，銀漢

星回一道通

出塞二首

秦時明月漢時關萬里長征人未還但使龍城飛將在不教胡馬度陰山

百花原頭望京師黃河水流無盡期窮秋曠野行人絕馬首東來知是誰

送杜十四之江南

孟浩然

荆吳相接水為鄉君去春江正渺茫日暮征帆泊何處天涯

一望斷人腸

邊庭春怨

盧弼

春衣昨夜到榆關故國烟花想已殘少婦不知歸未得朝朝應上望夫山

回鄉偶書

賀季真

少小離鄉老大回鄉音不改鬢毛衰兒童相見不相識笑問客從何處來

疾拍陸州

蓋嘉運

西去輪臺萬里餘故鄉音耗日應疎隴山鸚鵡能言語為報閨人數寄書

楓橋夜泊

張懿孫

月落烏啼霜滿天江楓漁火對愁眠姑蘇城外寒山寺夜半鐘聲到客船

閭門即事

耕夫占募逐樓船春草青三萬頃田試上吳門看郡郭清明幾處有新烟

江南意

于鵠

閑向江邊採白蘋，還隨女伴賽江神。衆中不敢分明語，暗擲金錢卜遠人。

山店

盧允言

登，山路何時盡，決，谿流到處聞。風動葉聲山犬吠，幾家松火隔秋雲。

村南逢病叟

雙膝過頤頂在肩，四隣知姓不知年。卧駘鳥雀情未忝，猶恐諸孫無社錢。

與從弟同下第出關言別

同作金門獻賦人，二年悲見故園春。到關不沾新雨露，還家空帶舊風塵。

逢病軍人

行多有病住無糧，萬里還鄉未到鄉。蓬鬢哀吟古城下，不堪秋氣入金瘡。

曲江春望

菖蒲翻葉柳交枝，暗上蓮舟鳥不知。更到無花最深處，玉樓金殿影參差。

宮中樂

雲日呈祥禮物殊，彤庭生獻五單于。塞垣萬里無飛鳥，可在邊城用郅都。

寒食

又刻劉夢得 韓君平

春城無處不飛花，寒食東風御柳斜。日暮漢宮傳蠟燭，青烟散入五侯家。

送齊山人

舊事仙人白兔公，掉頭歸去又乘風。
柴門流水依然在，一路寒山萬木中。

送客之上黨

宮柳青青匹馬嘶，回風暮雨入銅鞮。
佳期別在春山裏，應是人參五葉齊。

贈張千牛

蓬萊闕下是天家，上路新回白鼻騮。
急管畫催平樂酒，春衣夜宿杜陵花。

宿石邑山中

浮雲不共此山齊，山靄蒼蒼望轉迷。
曉月暫飛千樹裏，秋河隔在數峰西。

送客貶五溪

南過猿聲一逐臣，回看秋草淚沾巾。
寒天暮雨空山裏，幾處蠻家是主人。

聽隣家吹笙

郎君胃

鳳吹聲如隔采霞，不知牆外是誰家。
重門深鎖無尋處，疑有碧桃千樹花。

柏林寺南望

谿上遙聞精舍鐘，泊舟微徑度深松。
青山霽後雲猶在，盡出西南三四峰。

送麴司直

曙雪蒼蒼兼曙雲，朔風燕鴈不堪聞。
貧交此別無他贈，惟有青山遠送君。

峽口送友人

司空文明

峽口花飛欲盡春
天涯去住各沾巾
來時萬里同為客
今日翻成送故人

病中遣妓

萬事傷心在目前
一身憔悴對花眠
黃金用盡教歌舞
留與他人樂少年

江村即事

罷釣歸來不繫船
江村月落正堪眠
縱然一夜風吹去
只在蘆花淺水邊

發渝州却寄常判官

紅燭津亭夜見君
繁絃急管兩紛紛
平明分手空江轉
惟有猿聲滿水雲

題蘭若

崔峒

絕頂茅庵老此生
寒雲孤木伴經行
世人那得知幽迳
遙向青峰禮磬聲

武昌阻風

方澤

江上春風留客舟
無窮歸思滿東流
與君盡日閑臨水
貪看飛花忘却愁

早發白帝城

李太白

朝辭白帝彩雲間
千里江陵一日還
兩岸猿聲啼不盡
輕舟已過萬重山

陪族叔刑部侍郎曄及中書賈舍人至遊洞庭

洞庭湖西秋月輝
瀟湘江北早鴻飛
醉客滿船歌白紵
不知霜露入秋衣

巴陵贈賈舍人

賈生西望憶京華
湘浦南遷莫怨嗟
聖主恩深漢文帝
憐君不遣到長沙

戲子美

飯顆山頭逢杜甫
頭戴笠子日卓午
為問因何太瘦生
摠為從前作詩苦

贈華州王司士

淮水不絕濤瀾高
盛德未泯生英髦
知君先負廟堂器
今日還須贈寶刀

○春夜洛城聞笛

誰家玉笛暗飛聲
散入春風滿洛城
此夜曲中聞折柳
何人不起故關情

送賀賓客歸越

鏡湖流水漾清波
狂客歸舟逸興多
山陰道士如相見
應寫黃庭換白鵝

陌上贈美人

駿馬驕行踏落花
垂鞭直拂五雲車
美人一笑褰珠箔
遙指紅樓是妾家

酬崔侍郎

巖陵不從萬乘遊
歸卧空山釣碧流
自是客星辭帝座
元非太白醉揚州

○與史郎中欽聽黃鶴樓上吹笛

一為遷客去長沙
西望長安不見家
黃鶴樓中吹玉笛
江城五月落梅花

○黃鶴樓送孟浩然之廣陵

故人西辭黃鶴樓，烟花三月下揚州。
孤帆遠影碧空盡，惟見長江天際流。

宣城見杜鵑花

蜀國曾聞子規鳥，宣城還見杜鵑花。
一叫一迴腸一斷，三春三月憶三巴。

望天門山

天門中斷楚江開，碧水東流至北迴。
兩岫青山相對出，孤帆一片日邊來。

流夜郎聞酺不預

北闕聖人歌，太康南冠君子寤。
荒漢酺聞奏，鈞天樂願得風吹到夜郎。

○秋下荆門

霜落荆門江樹空，布帆無恙挂秋風。
此行不為鱸魚膾，自愛名山入剡中。

口號吳王美人半醉

風動荷花水殿香，姑蘇臺上見吳王。
西施醉舞嬌無力，笑倚東窗白玉床。

送外甥鄭灌從軍

月蝕西方破敵時，及瓜歸日未應遲。
斬胡血變黃河水，梟首當懸白鵠旗。

別內赴徵三首

王命三徵去未還，明朝離別出吳關。
白玉高樓看不見，相思須上望夫山。

出門妻子強牽衣。問我西行幾日歸。歸時儻佩黃金印。莫學蘇秦不下機。

翡翠為樓金作梯。誰人獨宿倚門啼。夜坐寒燈連曉月。行行淚盡楚關西。

結襪子

燕南壯士吳門豪。筑中置鉛魚隱刀。感君恩重許君命。太山一擲輕鴻毛。

望廬山瀑布泉

日照香爐生紫烟。遙看瀑布挂前川。飛流直下三千尺。疑是銀河落半天。

登廬山五老峰

廬山東南五老峰。青天削出金芙蓉。九江秀色可餐。西望長安

此地巢雲松

越中覽古

越王勾踐破吳歸。義士還家盡錦衣。宮女如花滿春殿。只今惟有鷓鴣飛。

白胡桃

紅羅袖裏分明見。白玉盤中看却無疑。是老僧休念誦。腕前推下水晶珠。

蘇臺覽古

舊苑荒臺楊柳新。菱歌清唱不勝春。只今唯有西江月。曾照吳王宮裏人。

聞王昌齡左遷龍標遙有此寄

楊花落盡子規啼。聞道龍標過五溪。我寄愁心與明月。隨風

直到夜郎西

東魯門泛舟二首

水作青龍盤石堤桃花夾岼魯門西若教月下乘舟去何處
風流到剡溪

日落沙明天倒開波搖石動水縈迴輕舟泛月尋溪轉疑是
山陰雪後來

贈段七娘

羅襪凌波生網塵那能得計訪情親千杯綠酒何辭醉一面
紅裝惱殺人

與謝良輔遊涇川陵巖寺

乘君素舸泛涇西宛似雲門對若溪且從康樂尋山水何必
東遊入會稽

長門怨

桂殿長愁不記春黃金四屋起秋塵夜懸明鏡青天上獨照
長門宮裏人

塞下

常建

鐵馬胡裘出漢營分旌百道救龍城左賢未遁旌竿折過在
將軍不在兵

漫興六首

杜子美

舍西柔桑葉可拈江邊細麥復纖纖人生幾何春已夏不放
香醪如蜜甜

腸斷春江欲盡頭杖藜徐步立芳洲顛狂柳絮隨風舞輕薄
桃花逐水流

熟知茅齋絕低小江上燕子故來頻啣泥點污琴書內更接

飛蟲打着人

懶慢無堪不出村呼童自在掩柴門
蒼苔濁酒林中靜碧水
春風野外昏

糝徑楊花鋪白氈
點溪荷葉疊青錢
筍根稚子無人見
沙上鳧雛傍母眠

二月已破三月來
漸老逢春能幾回
莫思身外無窮事
且盡生前有限杯

江畔獨步尋花三首

黃四娘家花滿蹊
千朵萬朵壓枝低
留連戲蝶時時舞
自在嬌鶯恰啭啼

和花亂糝果江濱
行步歌危實怕春
詩酒尚堪驅使在
未須料理白頭人

江深竹靜兩三家
多是紅花映白花
報谷春光知有處
應須美酒送生涯

絕句四首

堂西長竹別開門
塹北行椒却背村
梅熟許同朱老喫
松高擬對阮生論

門外鷓鴣久不來
沙頭忽見眼相猜
自今已後知人意
一日須來一兩迴

兩箇黃鸝鳴翠柳
一行白鷺下青天
窓含西嶺千秋雪
門泊東吳萬里船

秋樹馨香倚釣磯
新花蕊未應飛
不如醉裏風吹盡
可忍醒時雨打稀

春水生二首

二月六夜春水生門前小灘渾欲平鷓鴣鷓鴣莫漫喜吾與
汝曹俱眼明

一夜水高三尺強數日不可更禁當南市津頭有船賣無錢
即買繫籬傍

○ 贈花卿

錦城絲管日紛紛半入江風半入雲此曲祇應天上有人間
能得幾回聞

贈李白

秋來相顧尚飄蓬未就丹砂愧葛洪痛飲狂歌空度日飛揚
跋扈為誰雄

解悶四首

草閣柴扉星散居浪翻江黑雨飛初山禽引子哺紅果溪交

得錢留白魚

不見高人王右丞藍田丘壑蔓寒藤最傳秀句寒區滿未絕
風流相國能

復憶襄陽孟浩然清詩句，盡堪傳即今者舊無新語漫釣
槎頭縮項鱸

商胡離別下揚州憶上西陵故驛樓為問淮南米貴賤老夫
乘興欲東遊

江南逢李龜年

岐王宅裏尋常見崔九堂前幾度聞正是江南好風景落花
時節又逢君

荅中丞嚴公雨中垂寄見憶

雨映行宮辱贈詩元戎肯赴野人期江邊老病雖無力強擬

晴天理釣絲

憑韋少府班覓松樹子栽

落落出群非擇柳青青不朽豈楊梅欲存老蓋千年意為堯
霜根數寸栽

喜聞盜賊蕃寇摠退口號三首

贊普多教使入秦數通和好止烟塵朝廷忽用哥舒將殺伐
虛悲公主親

蕭關隴水入官軍青海黃河卷塞雲北極轉愁龍虎氣西戎
休縱犬羊群

崆峒西極過崑崙馳馬由天擁國門逆氣數年吹路斷蕃人
聞道漸星奔

謝嚴中丞送青城山道士乳酒一瓶

山餅乳酒下青雲氣味濃香辛分鳴鞭送送憐漁父洗盃

開掌對馬軍

李司馬橋了承高使君成都曲

向來江上手紛三二日成功事群已傳童子騎青竹摠歸

橋東待使君

蕭八明府寔處覓桃栽

奉乞桃栽一百根春前為送浣村河陽縣裏雖無數濯錦

江邊未滿園

喜聞河北諸道節度使朝四首

社稷蒼生計必安蠻夷雜種錯干周宣漢武今王是孝子

忠臣後代看

李相將軍擁薊門白頭唯有赤心存竟能盡說諸侯入知有

從來天子尊

東逾遼水北溟沱星象風雲五色和紫氣關臨天地闊黃金
臺貯俊賢多

抱病江天白首即空山樓閣暮春光衣冠是日朝天子草奏
何人入帝鄉

後韋二明府續處覓綿竹三數叢

華軒藹，他年到綿竹亭，出縣高江上舍前無此物幸分
蒼翠拂波濤

王舍人竹樓

李從一

傲吏身閑笑五侯西江取竹起高樓南風不用蒲葵扇紗帽
閑眠對水鷗

送李侍郎赴常州

賈幼隣

雪晴雲散北風寒楚水吳山道路難今日送君須盡醉明朝
相憶路漫漫

巴陵夜別王八員外

柳絮飛時別洛陽梅花發後在三湘世情已逐浮雲散離恨
空隨江水長

宿杭州虛白堂

李楚望

秋月斜明虛白堂寒蛩唧，樹蒼蒼，江楓微曉不得寐二十
五聲秋點長

滁州西澗

韋應物

獨憐幽草澗邊生上有黃鸝深樹鳴春潮帶雨晚來急野渡
無人舟自橫

酬故人重九求橘

高林滴露夏夜清
南山子規啼一聲
隣家孀婦抱兒泣
我獨展轉何時明

早秋

嚴季鷹

昨夜秋風入漢關
朔雲邊雪滿西山
更催飛將追驕虜
豈遣沙塲匹馬還

旅次寄湖南張郎中

戎昱

寒江近戶慢流聲
竹影當牕亂月明
歸夢不知湖水闊
夜來還到洛陽城

雪霽

風捲黃雲暮雪晴
江烟洗盡柳條輕
簾前數片無人掃
又得書窗一夜明

移家別湖上亭

好是春風湖上亭
柳條藤蔓繫離情
黃鸝久住渾相識
欲別頻啼四五聲

早梅

一樹寒梅白玉條
迥臨村落傍溪橋
應緣近水花先發
疑是經春雪未消

寄許鍊師

掃石焚香禮碧空
露華偏濕蕊珠宮
如何說得天壇上
萬里無雲月正中

唐昌觀玉蕊花

王仲初

一樹龍慈玉刻成
飄廊點地色輕
女冠夜覓香來處
惟見階前碎月明

綺繡宮

玉樓傾側粉墻空重疊青山繞故宮武帝去來紅袖盡野花
黃蝶領春風

江陵使至汝州

回看巴路在雲間寒食離家麥熟還日莫數峰青似染商人
說是汝州山

華清宮

酒幔高樓一百家宮前楊柳寺前花內園分得溫湯水二月
中旬已進瓜

黃鶴樓

鍾離寂道

名權又名蒼名雲房又正陽子燕堂人大將

黃鶴樓前吹笛時白蘋紅蓼滿江湄東情欲訴無人會只有

清風明月知

題道觀

莫恠追歡笑語頻尋思離亂可傷神閑來屈指從茲數到得
清平有幾人

長信宮

李端

金壺漏盡禁門開飛燕昭陽侍寢回隨分獨眠秋殿裏遙聞
語笑自天來

江上送客

故人南去漢江陰秋雨瀟瀟夢澤深江上見人應下淚由來
遠客易傷心

湘南即事

戴幼公

盧橘花開楓葉衰出門何處望京師沅湘日夜東流去不為
愁人住少時

贈殷亮

日日河邊見水流傷春未已復悲秋山中舊宅無人住來往
風塵共白頭

對月答元明府

山下孤城月上遲相留一醉本無期明年此夕遊何處縱有
清光知對誰

山中寄友人

李九齡

亂雲堆裏結茅廬已共紅塵跡漸疎若問野人生計事窓前
流水枕前書

送呂少府

共醉流芳獨歸去故園高士日相親深山古路無楊柳折取
銅花寄遠人

題葉道士山房

顧逋翁

水邊楊柳赤欄橋洞裏神仙碧玉簫近得麻姑書信否尋陽
向上不通潮

聽角思歸

故園黃葉滿青苔夢後城頭曉角哀此夜斷腸人不見起行
殘月影徘徊

宿昭應

武帝祈靈太一壇新豐樹色繞千宮那知今夜長生殿獨開
空山月影寒

山中

野人愛向山中宿况在葛洪丹井西庭前有箇長松樹夜半
子規來上啼

聽子規

樓霞山中子規鳥口邊血出啼不了山僧後夜初入定聞說
不聞山月曉

宮人斜

雍裕之

幾多紅粉委黃泥野鳥如歌又似啼應有春魂化為鷓鴣在年
飛入未央栖

夜上受降城聞笛

李君虞

回樂峰前沙似雪受降城外月如霜不知何處吹蘆管一夜
征人盡望鄉

寫情

水紋玳簟思悠悠千里佳期一夕休從此無心愛良夜任他
明月下西樓

○ 聽曉角

邊霜昨夜重關榆吹角江城片月孤無心空處鴉飛不度西風
吹入小單于

臨澤泚見蕃使刊名

漢南春色到澤泚邊柳青塞馬多萬里江山今不閉漢家
頻許鄧支和

早發破訥沙

破訥沙頭鴈正飛鷓鴣泉上戰初歸平明日出東南地滿磧
寒光生鐵衣

上汝州郡樓

黃昏鼓角似邊州三十年前上此樓今日山川對垂淚傷心
不獨為悲秋

送客還幽州

惆悵秦城送獨歸
薊門烟樹遠依
秋來莫射南來鴈
歲遣乘春更北飛

宮怨

露濕晴花春殿香
月明歌吹在昭陽
似將海水滄宮滯
六清長門一夜長

題明惠上人房

秦公緒

簷前朝暮雨添花
八十吳僧飯熟麻
入定幾時還出定
不知巢燕污袈裟

題張道士山居

盤石垂蘿即是家
圓頭猶看五枝花
松間寂寂無人語
只有蒼苔覆石苔
朝來一片霞

伏翼西洞送人

陳羽

洞裏春晴花正開
看花出洞幾時回
殷勤好去武陵客
莫引世人相逐來

吳城覽古

吳王舊國水烟空
香徑無人蘭葉紅
春色似憐歌舞地
年年先發館娃宮

湘妃怨

二妃怨處雲沉沉
二妃怨處湘江深
商人酒滴廟前草
蕭颯風生斑竹林

道州寄東館諸賢

呂和叔

東池送客醉年華
聞道風流勝習家
獨臥郡齋寥落意
隔簾微雨濕梨花

小樓

儲嗣宗

松杉風外亂山青
曲几焚香對石屏
記得去年春雨後
燕泥時污太玄經

採松花

姚合

擬服松花無處學
嵩陽道士忽相教
今朝試上高枝採
不覺傾翻仙鶴巢

柳州二月榕葉盡落偶題

柳子厚

宦情羈思共悽之
春半如秋意轉迷
山城過雨百花盡
榕葉滿庭鶯亂啼

酬曹侍御過象縣見寄

破額山前碧玉流
騷人遙駐木蘭舟
春風無限瀟湘意
欲採蘋花不自由

銅魚使赴都寄親友

行盡萬里餘
到時聞井是荒墟
附庸惟有銅魚使
此後無因寄遠書

與浩初上人同看山寄京華親故

海畔尖山似劍鋸
秋來處處割愁腸
若為化得身千億
散上峰頭望故鄉

夏書偶作

南州溽暑醉如酒
隱几熟眠開北牖
日午獨覺無餘聲
山童隔竹敲茶臼

寄劉夢得

書成欲寄庾安西
紙背應勞手自題
聞道近來諸子弟
臨池尋已厭家雞

和練師索秀才楊柳

楊景山

水邊楊柳綠烟絲立馬煩君折一枝惟有東風寂相惜殷勤
更向手中吹

城東早春

詩家清景在新春綠柳纔黃半未勻若待上林花似錦出門
俱是看花人

觀妓人入道

碧玉芳年事冠軍清歌空得隔花聞春來削髮芙蓉寺蟬鬢
臨風墮綠雲

題百葉桃花

韓退之

百葉變桃晚更紅窺窓映竹見玲瓏應知侍史歸天上故
仙郎宿禁中

和武相公早春聞鶯

早晚飛來入錦城誰人教解百般鳴春風紅樹驚眠處似如

歌童作豔聲

遊西林寺題蕭二兄郎中舊堂

中郎有女能傳業伯道無兒可保家偶到匡山曾住處幾行
衰淚落烟霞

桃林夜賀晉公

西來騎火照山紅夜宿桃林臘月中手把命珪兼相印一時
重疊賞元功

贈刑部馬侍郎

紅旗照海屋南荒徵入中臺作侍郎暫從相公平小寇便歸
天闕待時康

贈汪倫

李白乘舟將欲行忽聞岼上踏歌聲
桃花潭水深千尺不及汪淪送我情

峽石西泉

居然鱗介不能容一眼環之水一鍾聞說旱時求得雨祇疑科斗是蛟龍

并

賈誼宅中今始見葛洪山下昔曾窺
寒泉百尺空看影正是行人渴死時

晚春

草木知春不久歸百般紅紫鬪芳菲
楊花榆莢無才思惟解漫天作雪飛

蒲萄

新莖未徧半猶枯高架支離倒復扶
若欲滿盤堆馬乳莫辭

添竹引龍鬚

題于賓客莊

榆莢車前蓋地皮蓄微醮水荀穿籬
馬蹄無入朱門跡縱使春歸可得知

落花

已分將身着地飛那羞踐蹋損光輝
無端又被春風誤吹落西家不得歸

早春呈水部張十八員外

天街小雨潤如酥草色遙看近却無
最是今年春好處絕勝花柳滿皇都

柳口又贈

山作劍攢江瀉鏡扁舟斗轉疾如飛回頭笑向張公子終日
思歸此日歸

榴花

五月榴花照眼明枝間時見子初成可憐此地無車馬顛倒
青苔落絳英

晚次宣溪辱韶州張端公使君惠書叙別

韶州南去接宣溪雲水蒼茫日向西客淚數行元自落鷓鴣
休傍耳邊啼

遣興

斷送一生唯有酒尋思日計不如閑莫憂世事兼身事須著
人間比夢間

盆池二首

池光天影共青蒼拍岸纔添水數斛且待夜深明月去試看
涵泳幾多星

莫道盆池作不成藕稍初種已齊生從今有雨君須記來聽
蕭蕭打葉聲

酬王二十舍人雪中見寄

三日柴門擁不開堦平庭滿白皚皚今朝蹋作瓊瑤跡烏有
詩從鳳沼來

將至韶州先寄張端公使君借圖經

曲江山水聞來久恐不知名訪倍難願借圖經將入界每逢
佳處便開看

次潼關先寄張十二閣老使君

荆山已去華山來日出潼關四扇開刺史莫辭迎候遠相公

親破蔡州廻

酬別留後侍郎

為文無出相如右謀帥難居卻毅先歸去雪銷溱洧動西來
旌旆拂晴天

湘中

猿愁魚踊水翻波自古流傳是泪羅蘋藻滿盤無處奠空聞
漁父叩舷歌

早春與張十八博士籍遊楊尚書林亭寄第二閣老
兼呈白馮二閣老

牆下春渠入禁溝渠冰初破浦渠浮鳳池近日長先暖流到
池時更不流

過鳴溝

龍疲虎困割川原億萬蒼生性命存誰勸君王回馬首真成
一擲賭乾坤

題木居士

火透波穿不計春根如頭面髭如身偶然題作木居士便有
無窮求福人

喜聞河北諸道節度使入朝

鳴玉鏘金盡正臣修文偃武不無人興王會盡秋氣氣聖壽
宜過一萬春

賽神

白布長衫紫領巾差科未動是閑人麥苗含穗桑生葉共向
田頭樂社神

上鄉翁請修武侯廟遺像缺落時崔知權夔州

大賢為政即多聞
刺史真符不必分
尚有西郊諸葛廟
臥龍無首對江濱

遊太平公主山莊

公主當年欲占春
故將臺榭押城闔
欲知前面花多少
直到南山不屬人

題廣昌館

白水龍飛已幾春
偶逢遺跡問耕人
立墳發掘當官道
何處南陽有近親

塞上

江為

萬里黃雲凍不飛
磧烟烽火夜深微
胡兒移帳寒笳絕
雲路時聞控馬歸

哭孟東野

賈浪仙

蘭無香氣鶴無聲
哭盡秋天不肯明
自從東野先生死
側近雲山得散行

宿村家亭子

床頭枕是谿中石
井底泉通竹下池
宿客未眠過夜半
獨聞山雨到來時

行次漢上

冒冢池沼草淒淒
嵐樹光中信馬蹄
漢主廟前湘水碧
一聲風角夕陽低

渡棗乾

客舍并州已十霜
歸心日夜憶咸陽
無端更渡棗乾水
却望并州是故鄉

題裴晉公第

破却千家作一池，不栽桃李種薔薇。
薔薇花落秋風起，荊棘滿庭君始知。

三月晦日

三月正當二十日，風光別我苦嗟身。
共君今夜不須睡，未到曉鐘猶是春。

過春秋峽

劉言史

峭壁蒼蒼苔色新，無風晴景自勝春。
不知何處幽崖裏，臘月開花似此人。

臺城

韋端已

江雨霏霏江草齊，六朝如夢鳥空啼。
無情最是臺城柳，依舊烟籠十里堤。

潤州江上別李秀才

千山紅樹萬山雲，把酒相看日又曛。
一曲離歌兩行淚，不知

何地更逢君

搖落

搖落秋天酒未醒，淒涼長似別離情。
黃昏倚柱不歸去，腸斷綠荷風雨聲。

晏起

近來中酒起常遲，臥看南山改舊詩。
閉戶日高春寂寂，數聲啼鳥上花枝。

東陽酒家贈別

天涯芳嘆異鄉身，又向大涯別故人。
明日五更孤店月，醉醒何處各沾巾。

繡嶺宮

李才江

春草萋萋，春水綠野棠開盡。飄香玉繡嶺官前。鶴髮翁猶唱
開元太平曲

送三藏歸西域

十萬里程多少難。沙中彈古授降龍。五天到日應頭白。月落
長安半夜鐘

客亭對月

遊子離魂隴上花。風飄浪泊遶天涯。一年十二度圓月。十一
回圓不在家

再過金陵

包幼正

玉樹歌終王氣收。鴈行高送石城秋。江山不啻興亡事。一任
斜陽伴客愁

昌谷北園新筍

李長吉

斫取青光寫楚辭。膩香春粉燕離離。無情有恨何人見。露壓
烟啼千萬枝

逢鄭三遊山

盧仝

相逢之處花茸茸。峭壁攢峰千萬重。他日期君何處好。寒流
石上一株松

寄蕭三十三赴歙州昏期僕客揚州早春書寄一絕

淮上客情殊冷落。蠻方春早客何如。相思莫道無來使。回鴈
峰前好寄書

山中

飢拾松花渴飲泉。偶從山後到山前。陽坡草軟厚如織。因與
鹿麕相對眠

淮上與友人別

鄭守愚

揚子江頭楊柳春
楊花愁殺渡江人
數聲風笛離亭晚
君向瀟湘我向秦

贈日東鑿禪師

故國無心渡海潮
老禪方丈倚中條
夜深雨絕松堂靜
一點山螢照寂寥

曲江春草

花落江堤簇暖烟
雨餘草色遠相連
香輪莫輾青₃破留與
遊人一醉眠

十日菊

節去蜂愁蝶不知
曉庭環繞折殘枝
自緣今日人心別
未必秋香一夜衰

柳

半烟半雨溪橋畔
間杏間桃山路中
會得離人無限意
千絲萬絮惹春風

寄友

野水晴山雪後時
獨行村路更相思
無因一向溪橋醉
處處寒梅映酒旗

海棠

濃淡芳春滿蜀鄉
半隨風雨斷鶯腸
浣花溪上堪惆悵
子美無心為發揚

經賈島墓

水繞荒墳縣路斜
耕人訝我久咨嗟
重來無恐無尋處
落日風吹鼓子花

雪詩

亂飄僧舍茶烟濕密洒歌樓酒力微江上晚來堪畫處漁人披得一策歸

寒食

孟東野

長安落花飛上天南風引至玉堦前可憐春色亦朝謁唯我孤吟濟水邊

登第

昔日^登不足嗟今朝曠蕩恩無涯春風得意馬蹄疾一日看盡長安花

君不來

方雄飛

遠路東西欲問誰寒來無處寄寒衣去時初種庭前樹樹已勝巢人未歸

閑居雜興

陳高伯

一顧成周力有餘白雲閑釣五溪魚中原莫道無麟鳳自是皇家結網疎

銅雀臺

薛大拙

魏帝當時銅雀臺黃花深暎棘藂開人生富貴須回首此地豈無歌舞來

老圃堂

邵平瓜地接吾廬穀雨乾時偶自鋤昨日春風欺不在就床吹落讀殘書

歸鴈

瀟湘何事等閑回水碧沙明兩岫苔二十五弦彈夜月不勝清怨却飛來

吳姬

樓臺重疊滿天雲
殷鳴鼉世上聞
此日楊花初似雪
女兒絲管弄參軍

柳枝

和風烟樹九重城
夾路春陰十萬營
惟向邊頭不堪望
一枝憔悴少人行

省試夜

白蓮千朵照廊明
一片承平雅頌聲
更報第三條燭盡
文昌風景寫難成

宋氏林亭

地濕莎青雨後天
桃花紅近竹林邊
行人本是農桑客
記得春深欲種田

重贈尚吟龍魚

休遣玲瓏唱我辭
我辭多是寄君詩
明朝又向江頭別
月落潮平是去時

劉阮山

元微之

夫容脂肉綠雲鬟
卷畫樓臺日黛山
千樹桃花萬年藥
不知何事憶人間

憶事

夜深閑到戟門邊
柳繞行廊又獨眠
明月滿庭池水綠
桐花垂在翠簾前

江南

千里楓林烟雨深
無朝無暮有猿吟
停橈靜聽曲中意
好是雲山韶濩音

聞樂天左降江州

羅昭諫一首 趙承祐七首 孟澤之二首 韓成封一首

司空表聖四首 雍國鈞計三首 曹堯賓二首 裴交泰一首

高千里三首 高蟾五首 崔道融三首 杜常一首

上駕三首 崔魯三首 羅鄴三首 韓致光七首

王有道三首 張泌三首 皇甫松三首 薛濤二首

君山父老首 徐凝一首 朱長文一首 張陵一首

揚中師一首 衛象一首 顧非熊一首 韋鵬翼一首

傅子容一首 朱褒一首 李拯一首 王播二首

姚氏月華二首 釋靈徹一首 釋法振一首 釋皎然一首

釋齊己四首 無名氏一首

後晉 和成績二首 孫光憲一首

文翰類選大成卷第八十

長史上海李伯璵編輯

讀慈谿馮厚枚正

詩類七言絕

唐

感春

張文昌

遠客悠悠任病身 誰家池上又逢春 明年各自東西去 此地看花是別人

送蜀客

蜀客南行聽碧雞 木綿花發錦江西 山頭日晚行人少 時見猩猩樹上啼

唐昌觀玉蕊花

九色雲中紫鳳車
尋仙未到洞仙家
飛輪回處無踪跡
惟見斑斑滿地花

與賈島閒遊

水北原南草色新
雪消風暖不生塵
城中車馬應無數
紫綬閒行有幾人

山禽

山禽毛如白練帶
栖我庭前栗樹枝
滿猴半夜來取栗
雙中林向月飛

華清宮

溫泉流入漢離宮
宮樹行行浴殿空
武帝時人今欲盡
青山空閉御墻中

寄李渤

五渡谿頭躑躅紅
嵩隰寺裏講時鐘
春山處處行應好
看花到幾峰

哀孟寂

曲江院裏題名處
十九人中最少年
今日風光君不見
杏花零落寺門前

逢賈島

僧房逢着款冬花
出寺行吟日已斜
十二街中春雪徧
馬啼今去入誰家

閒行

老身不計人間事
野寺秋晴每獨過
病眼較來猶斷酒
却愁行處菊花多

送元絡

卷之八下

春日同遊漳水邊如今重說恨綿綿天涯相見還相別客路
秋風又幾年

秋思

洛陽城裏見秋風欲作家書意萬重復恐匆匆說不盡行入
臨發又開封

蠻中

瘴水蠻中入洞流人家多住竹棚頭一山海上無城郭世見
松牌記象州

阿嬌怨

劉夢得

望見歲粧舉翠華試開金屋掃庭花須臾宮女傳來信言
平陽公主家

○自朗州至京感贈看花諸君子

紫陌紅塵拂面來無人不道看花回玄都觀裏桃千樹盡是
劉郎去後栽

楊柳枝二首

花萼樓前初種時美人樓上鬪腰肢如今拋擲長街裏露葉
如啼欲恨誰

○煬帝行宮汴水濱數株殘柳不勝春晚未風起花如雪飛入
宮牆不見人

望夫石

終日望夫夫不歸化為孤石苦相思望夫已是幾千載只似
當年初望時

○再遊玄都觀

百畝庭中半是苔桃花淨盡菜花開種桃道士歸何處前度

劉郎又獨來

唐昌觀玉蕊花

玉女來看玉蕊花，異香先引七雲車。攀枝弄雪時回首，驚恠人間日未斜。

烏衣巷

朱雀橋邊野草花，烏衣巷口夕陽斜。舊時王謝堂前燕，飛入尋常百姓家。

生公講堂

生公說法鬼神聽，身後空堂夜不扃。高坐寂寥塵漠漠，一方明月可中庭。

石頭城

山圍故國周遭在，潮打空城寂寞回。淮水東邊舊時月，夜深

還過女牆來

洛中逢韓中丞之吳興口號

昔年意氣結群英，幾度朝回一字行。海北天南零落盡，兩人相見洛陽城。

元和甲午歲詔書盡徵江湖逐宦余，自武陵赴京宿

於都亭有懷續來諸君

雷雨江湖起臥龍，武陵樵客躡仙蹤。十年楚水楓林下，今夜初聞長樂鐘。

和令狐相公別牡丹

平章宅裏一欄花，臨到開時不在家。莫道兩京非遠別，春明聞外即天涯。

與歌者何懃

二十餘年別帝京重聞天樂不勝情舊人惟有何處在更與
殷勤唱渭城

闕下口號

綠仗神旗獵曉風鷄人一唱鼓逢銅壺漏水何時歇如此
相催即老翁

酬柳子厚家雞之贈

日臨池弄小雛還思寫字付官奴柳家新樣元和時且盡
薑牙斂手徒

有所嗟

庾令樓中初見時武昌春柳似腰支相逢相識盡如夢為雨
為雲今不知

洛陽春末送錄事

尊前花下長相見明日忽為千里人君過午橋回首望洛陽
猶似有殘春

酬楊八副使赴湖南見寄

知逐征南冠楚材遠勞書信到陽臺明朝若上右山望一道
巴江自北來

○寒食

已刻韓君平

春城無處不飛花寒食東風御柳斜日暮漢宮傳蠟燭青烟
散入五侯家

○望洞庭

湖光秋月兩相和潭面無風鏡未磨遙望洞庭山水色白銀
盤裏一青螺

送客

沅水羅紋海燕回柳條牽恨到荆臺定知行路斜陽裏故郢
城邊見落梅

赴連州諸公置酒相送

謫在三湘最遠州邊鴻不到水南流如今暫寄尊前笑明日
辭君步、愁

揚柳枝三首

白樂天

紅板江橋青酒旗館娃宮暖日斜時可憐雨歇東風定萬樹
千條各自垂

葉含濃露如啼眼枝媚輕風似舞腰小樹不禁攀折苦乞君
畱取兩三條

人言柳葉似愁眉更有愁腸似柳絲柳絲挽斷腸牽斷彼此
應無續得期

寒閨怨

寒月沉、洞房靜真珠簾外梧桐影秋霜欲下手先知燈底
裁縫剪刀冷

履道居

莫嫌地窄林池小休厭家貧活計微多少朱門鎖空宅主人
到了不曾歸

同李十一醉憶元九

花時同醉破春愁醉折花枝當酒籌忽憶故人天際去計程
今日到梁州

期不至

紅燭清尊久延佇出門入門天欲曙星稀月落君不來烟柳
隴、鵲飛去

賀張籍

老何歿後吟詩絕雖有郎官不受詩今日聞君除水部喜於
身得省郎時

杏園花下贈劉郎中

恠君把酒偏惆悵曾是貞元花下人自別花來多少事東風
二十四回春

思歸

邯鄲驛裏逢冬至抱膝燈前影伴身想得家中夜深坐還應
說着遠行人

直中書省

絲綸閣下文章靜鐘鼓樓中刻漏長獨坐黃昏誰是伴紫薇
花對紫微郎

春題華陽觀

帝子吹簫逐鳳凰空留山洞號華陽落花何處堪惆悵頭白
宮人掃影堂

王昭君

漢使却回憑寄語黃金異日贖蛾眉君王若問妾顏色莫道
不如宮裏時

集賢院五藥

芳意將闌風又吹白雲辭葉雪辭枝集賢辭校無閑日落盡
瑤華尚不知

月中桂

遙怜天上桂華孤為問嫦娥更有無月中幸有閑田地何不
中央種兩株

汴州聞角

武伯蒼

何處金笳月裏悲、邊客夢先知。單于城上關山月，今日中原總解吹。

送盧起居

相如擁傳有光輝，何事闌干淚濕衣。舊府東山餘騎在，重將歌舞送君歸。

念昔遊

杜牧之二

李白題詩水西寺，古木回巖樓閣風。半醒半醉遊三日，紅白花開烟雨中。

登樂遊原

長空澹、孤鳥沒，萬古銷沉向此中。看取漢家何似業，五陵無樹起秋風。

齊安郡中偶題

兩竿落日谿橋上，半縷輕烟柳影中。多少綠荷相倚恨，一時回首背西風。

漢江

溶、漾、漾、白鷗飛，綠萍春深好染衣。南去北來人自老，夕陽長送釣船歸。

長安晴望

翠屏山對鳳城開，碧落搖光霽後來。回識六龍巡幸處，飛烟雨繞望春臺。

息夫人廟

細腰宮裏露桃新，脉、無言度幾春。至竟夕亡緣底事，可憐金谷墜樓人。

泊秦淮

烟籠寒水月籠沙。夜泊秦淮近酒家。商女不知亡國恨，隔江猶唱後庭花。

過華清宮

長安回望繡成堆。山頂千門次第開。一騎紅塵妃子笑，無人知是荔枝來。

宮怨

監宮引出輕開門。隨例誰朝不是恩。銀鑰却收金鎖合，月明花落又黃昏。

清明

清明時節雨紛紛。路上行人欲斷魂。借問酒家何處有，牧童遙指杏花村。

山行

遠上寒山石徑斜。白雲生處有人家。停車坐愛楓林晚，霜葉紅於二月花。

赤壁

折戟沉沙鐵未銷。自將磨洗認前朝。東風不與周郎便，銅雀春深鎖二喬。

貴池縣亭子

勢比凌歊宋武臺。分明百里遠帆開。蜀江雪浪西江滿，強半春寒去却來。

宣州開元寺

松寺曾同一鶴栖。夜深臺殿月高低。何人為倚東樓柱，正是千山雪漲谿。

中秋月

暮雲收盡溢清寒，銀漢無聲轉玉盤。此生此夜不長好，明年何處看。

寄揚州韓綽判官

青山隱隱水迢迢，秋盡江南草木凋。二十四橋明月夜，玉人何處教吹簫。

過勤政樓

千秋佳節名空在，承露絲囊世已無。惟有紫苔偏稱意，年年因雨上金鋪。

齊安郡後池

菱透浮萍綠錦池，夏鶯千轉弄葦蕀。盡日無人看微雨，鴛鴦相對浴紅衣。

悵別

自恨尋芳已太遲，昔年曾見未開時。如今風擺花狼籍，綠葉成陰子滿枝。

題城樓

嗚軋江樓角一聲，微陽歛落寒汀。不用憑闌苦回首，故鄉七十五長亭。

送隱者

無媒徑路草蕭蕭，自古雲林遠市朝。公道世間惟白髮，貴人頭上不曾饒。

涂中

鏡中絲髮梳來少，衣上塵痕拂轉難。惆悵江湖釣竿手，却遮西日上長安。

將赴吳興登樂游原

清時有味是無能
閒愛孤雲靜愛僧
欲把一麾江海去
樂游原上望昭陵

秋雨

連雲接塞添迢遞
灑幕侵燈送寂寥
一夜不眠孤客耳
主人窗外有芭蕉

江南春

千里鶯啼綠映紅
水村山郭酒旗風
南朝四百八十寺
多少樓臺烟雨中

鄭瓘協律

廣文遺韻留擗散
雞犬圖書共一船
自說江湖不歸事
阻風中酒過年休

懷吳中馮秀才

長洲苑外草蕭蕭
却笑遊程歲月遙
惟有別時今不忘
暮烟秋雨過楓橋

題烏江亭

勝敗兵家事不期
包羞忍耻是男兒
江東子弟多才俊
卷土重來未可知

醉後題僧寺

舫船一棹百分空
十歲青春不負公
今日鬢絲禪榻畔
茶烟輕颺落花風

遣懷

落魄江湖載酒行
楚腰腸斷掌中輕
十年一覺揚州夢
贏得青樓薄倖名

退宮人

閑吹玉殿昭華管醉折梁園縹蒂花十年一夢歸人世絳綬猶封繫臂紗

李司徒席上

華堂今日綺筵開誰喚分司御史來忽發狂言驚四座兩行紅粉一時回

木蘭廟

弯弓征戰作男兒夢裏曾經與畫眉幾度思歸還相酒拂雲堆上祝明妃

龍池

李義山

龍池賜酒敞雲屏羯鼓聲高衆樂停夜半燕歸宮漏永薛王沉醉壽王醒

李衛公

絳紗弟子音塵絕鸞鏡佳人舊會稀今日致身歌舞地木綿花發鷓鴣飛

偶題

水亭閑眠微醉消小檣海柏枝相交水紋簾上琥珀枕傍有墮釵雙翠翹

寄今狐即中

嵩雲秦樹久離居雙鯉迢迢一紙書休問梁園舊賓客茂陵秋雨病相如

寄懷崔雍

竹塢無塵水檻清相思迢遞隔重城秋陰不散霜飛晚留得枯荷聽水聲

○ 瑤池

瑤池阿母綺窓開。黃竹歌聲動地哀。八駿日行三萬里。穆王何事不重來。

無題

聞道閭門萼綠華。昔年相望尚天涯。豈知一夜秦樓客。偷看吳王內苑花。

月桂

莫羨仙家有上真。仙家暫謫亦千春。月中桂樹高多少。試問西河斫桂人。

西亭

此夜西亭月正圓。踈簾相伴宿風烟。梧桐莫更翻清露。孤鶴從來不得眠。

東阿王

國事分明屬灌均。西陵魂斷₃來人。君王不得為天子。半為當時賦洛神。

霜月

初聞征鴈已無蟬。百尺樓南水接天。青女素娥俱耐冷。月中霜裏鬪嬋娟。

咸陽

咸陽宮闕鬱嵯峨。六國樓臺艷綺羅。自是當時天帝醉。不關秦地有山河。

寄成都高苗二從事

家近紅蕖曲水濱。全家羅襪起秋塵。莫將越客千絲網。得西施別贈人。

訪隱者不遇

城郭休過識者稀
哀猿啼處有柴扉
滄江白石漁樵路
日暮歸來雨滿衣

詠史

北湖南埭水漫漫
一片降旂百尺竿
三百年間同曉夢
鍾山何處有龍盤

春日

九十春光鬪日光
山城斜路杏花香
幾時心緒渾無事
得及遊絲百尺長

吳宮

龍檻沉沉水殿清
禁門深掩斷人聲
吳王宴罷滿宮醉
日暮水漂花出城

送王三十校書分司

多少分曹掌秘文
洛陽花雪夢隨君
安知何遜緣聯句
每到城東憶范雲

夜雨寄北

君問歸期未有期
巴山夜雨漲秋池
何當共剪西窗燭
却話巴山夜雨時

夕陽樓

花明柳暗繞天愁
上盡重城更上樓
欲問孤鴻向何處
不知身世自悠悠

槿花

風露淒淒秋景繁
可憐榮落在朝昏
未央宮裏三千女
但保紅顏莫保恩

○賈生

宣室求賢訪逐臣，賈生才調更無倫。
可憐夜半虛前席，不問蒼生問鬼神。

東還

自有仙才自不知，十年長夢采華芝。
秋風動地黃雲暮，歸去嵩陽尋舊師。

憶住一師

無事經年別遠公，帝城鐘曉憶西峰。
爐烟銷盡寒燈曉，童子開門雪滿松。

華師

孤鶴不睡雲無心，衲衣筇杖來西林。
院門晝鎖回廊靜，秋日當階柿葉陰。

月夕

草下陰蟲葉上霜，朱闌迢遞壓湖光。
兔寒蟾冷桂花白，此夜姮娥應斷腸。

贈歌妓

水精如意玉連環，下蔡城危莫破顏。
紅絃櫻桃含白雪，斷腸聲裏唱陽關。

四皓廟

本為留侯慕赤松，漢庭方識紫芝翁。
蕭何只解追韓信，豈得虛當第一功。

花下醉

尋芳不覺醉流霞，倚樹沉眠日已斜。
客散酒醒深夜後，更持紅燭賞殘花。

過楚宮

巫峽迢迢舊楚宮至今雲雨暗丹楓浮生盡戀人間樂只有
襄王憶夢中

席上作

澹雲輕雨拂高唐玉殿秋來夜正長料得也應憐宋玉一生
唯事楚襄王

有感

非關宋玉有微詞自是襄王夢覺遲一自高唐賦成後楚天
雲雨盡堪疑

昨夜

不辭鷓鴣妬年芳但惜流塵暗竹房昨夜西池涼露滿桂花
吹斷月中香

嫦娥

雲母屏風燭影深長河漸落曉星沉姮娥應悔偷靈藥碧海
青天夜夜心

襄王懷古

鮑德源

襄陽太守沉碑意身後身前幾年事襄江千歲未為陵水底
魚龍應識字

贈揚鍊師二首

道士夜誦藥珠經白鶴下繞香烟聽夜深經盡人上鶴天風
吹入秋冥冥

紫烟衣上繡春雲清隱山書小篆文明月在天將鳳管夜深
吹向玉宸君

隋宮

柳塘烟起日西斜竹浦風回鴈弄沙
煬帝春遊古城在壞宮
芳草滿人家

遊水月臺

李涉

平流白日無人愛橋上閑行只自知
水似晴天天似水兩重
星點碧琉璃

過襄陽寄上于司空

方城漢水舊城池陵谷依然世自移
歇馬獨來尋故事逢人
唯說峴山碑

從秦城回再題武關

遠別秦城萬里遊亂山高下入商州
關門不鎖寒溪水一夜
暖送客愁

再葺夷陵幽居

負郭依山一徑深萬竿如束翠沉沉
後來愛物多成癖辛苦
移家為竹林

題鶴林寺僧室

終日昏_々醉夢間忽聞春盡強登山
因過竹院逢僧話又得
浮生半日閑

竹裏

竹裏編茅倚石門竹莖踈處見前村
閑眠盡日無人到自有
春風為掃門

春晚遊鶴林寺寄使府諸公

野寺尋花春已遲背巖惟有兩三枝
明朝携酒猶堪賞為報
春風且莫吹

魏簡能東遊二首

獻賦論兵命未通却乘羸馬出關東灞陵原上重回首十載
長安似夢中

燕市悲歌又送君目隨征鴈過寒雲郵亭宿處時看劍莫使
塵埃蔽斗文

開元寺

宿雨初收草木濃群鴉飛散下堂鐘長廊無事僧歸院盡日
門前獨看松

長安作

宵分獨坐到天明又策羸驂信脚行每日除書雖滿紙不
聞有介推名

秋日過員太祝林園

望水尋山二里餘竹林斜到地仙居秋光何處堪消日玄

先生滿架書

重過文上人院

南隨越鳥北燕鴻松月三年別遠公無限心中不平事一宵
清話又成空

烏江項羽廟

已刻林牧之

勝敗兵家事不期包羞忍辱是男兒江東子弟多豪俊卷土
重來未可知

胡渭州

張承吉

亭下孤月照行舟寂寂長江萬里流鄉國不知何處是雲山
漫使人愁

集靈臺

虢國夫人承主恩平明上馬入金門却嫌脂粉汚顏色淡掃

蛾眉朝至尊

郵亭殘花

雲暗山橫日欲斜
郵亭下馬對殘花
自從身逐征西府
每到花時不在家

邠王小管

邠國潛行韓國隨
宜春深院鬪花枝
金輿遠幸無人見
偷把寧王小管吹

大酺

車駕東來值太平
大酺三日洛陽城
小兒一伎竿頭絕天下
傳呼萬歲聲

初入諫司喜家室至

竇丹列

一旦悲歡見孟光
十年辛苦伴滄浪
不知筆硯緣封事
猶問

備書日幾行

焚書坑

竹帛烟消帝業虛
關河空錯祖龍居
坑灰未冷山東亂
劉項元來不讀書

章碣

東都望幸

懶修珠翠上高臺
眉月連娟恨不開
縱使東巡也無益
君王白帶美人來

香山館聽子規

竇中行

楚塞餘春聽漸稀
斷猿今夕讓沾衣
雲埋老樹空山裏
彷彿千聲一度飛

郡中即事

羊士諤

紅衣落盡暗香殘
葉上秋光白露寒
越女含情已無限
莫教

長袖倚闌干

送温台

朱長通

渺，天涯君去時，浮雲流水自相隨。人生一世長如客，何必今朝是別離。

丹陽送常參軍

嚴正文

丹陽郭裏送行舟，一別心知兩地秋。日晚江南望江北，寒鴉飛盡水悠悠。

歲初喜皇甫侍御至

湖上新正逢故人，情深應不笑家貧。明朝別後門還掩，修竹千竿一老身。

黃陵廟

李文山

黃陵廟前莎草春，黃陵女兒茜裙新。輕舟短棹唱歌去，水去

山長愁殺人

贈魏三十七

名珪似玉淨無瑕，美譽芳聲有數車。莫放灊光高二丈，來年燒殺杏園花。

南莊春晚

草暖沙長望去舟，微茫烟浪向巴丘。沅湘窈窕春歸盡，水綠蘋香人自愁。

寄友

野水晴山雪後時，獨行村路更相思。無因一向溪橋醉，處處寒梅映酒旗。

湘妃廟

少將風月怨平湖，見盡扶桑水到枯。相約杏花壇上去，盡欄

紅紫闌檣浦

送客

沅水羅紋海燕回
柳條牽恨到荆臺
定知行路春愁裏
故郢城邊見落梅

折楊柳

喬知之

可憐濯濯春楊柳
攀折將來君恩獨能久

自遣

陸魯望

數尺遊絲墮碧空
年年長直小葉戰初莫
惟在烟中重回首
酒旆清愁鶴髮翁

江南

村邊紫豆花
垂次岼上紅

小葉戰初莫
惟在烟中重回首
酒旆

青紵一行書

鄴宮

花飛蝶駭不愁人
水殿雲廊別置春
曉日靚粧千騎女
白櫻桃下紫綸巾

浮萍

曉來風約半池明
重疊侵沙綠
麝成不用臨池重
相笑最無根帶是浮名

宮人斜

草樹愁烟似不春
曉鶯哀怨問行人
須知一種埋香骨
猶勝昭君作虜塵

華陽巾

蓮花峰下得佳名
雲褐相兼上鶴翎
須是古壇秋霽後
靜焚

香炷禮寒星

瑶瑟怨

温飛卿

水簾銀床夢不成碧天如水夜雲輕鴈聲遠過瀟湘去十二樓中月自明

車駕西游因而有作

宣曲長陽瑞氣凝上林狐兔待秋鷹誰將詞賦陪雕輦窈窕相如臥茂陵

經故袁學士居

劍逐驚波玉委塵謝安門下更何人西州城外花千樹盡是羊曇醉後春

贈彈箏者

天寶年中事上皇曾將新曲獻武寧玉鈿彈入五馬皆零落一曲

伊周淚萬行

贈少年

江海相逢客恨多秋風葉落洞庭波酒酣夜別淮陰市月照高樓一曲歌

楊柳三首

宜春苑外最長條閑裊春風伴舞腰正是玉人腸斷處一渠春水赤欄橋

御柳如絲映九重鳳凰牕柱繡芙蓉景陽樓伴千條露一面新妝待曉鐘

織錦機邊鶯語頻停梭垂淚憶征人塞門三月猶蕭索縱有垂楊未覺春

奉誠園聞笛

竇始周

會絕珠纓吐錦茵欲披芳草訪遺塵秋風忽灑西園淚滿目
山陽笛裏人

秋閨思

張仲素

秋天一夜淨無雲
斷續鴻聲到曉聞
欲寄征人問消息
居延城外又移軍

○又

碧窓斜月藹深輝
愁聽寒螿淚濕衣
夢裏分明見關塞
不知何路向金微

秋色

吳子華

染不成乾畫未消
霏_々拂_々又迢_々曾從建業城邊過
蔓草寒烟鎖六朝

小徑

碍竹妨花一徑幽
攀緣應對玉峰頭
若教頽似康莊好
便有高車駟馬憂

涼思

松間小檻接波平
月淡烟沉暑氣清
半夜水禽栖不定
綠荷風動露珠傾

闕鄉卜居

六載抽毫侍禁闈
可堪衰病決然歸
五陵年少如相問
阿對泉頭一布衣

華清宮

四郊飛雪暗雲端
惟此宮中落旋乾
綠樹碧簷相掩映
無人知道外邊寒

過春秋峽

劉言史

峭壁蒼蒼，苔色新無風情景自勝春不知何處幽崖裏臘日
開花似北人

春怨二首

劉方平

紗窓日落漸黃昏金屋無人見淚痕窸窣開庭春又晚梨花
滿地不開門

朝日殘鶯伴妾啼開簾只見草萋萋庭前時有東風入揚柳
千條盡向西

舊宮人

劉得仁

白髮宮娃不解悲滿頭猶自插花枝曾緣玉貌君王寵准擬
人春似舊時

秋思

許用晦

琪樹西風枕簟秋楚雲湘水憶同遊高歌一曲掩明鏡昨日

少年今白頭

楚宮怨

十二山晴花盡開楚宮雙闕對陽臺細腰爭舞君王醉白日
秦兵江上來

緱山廟

王子求仙月滿臺玉簫清轉鶴裴徊曲終飛去不知處山下
碧桃春自開

謝亭送客

勞歌一曲解行舟紅樹青山水急流日暮酒醒人已遠滿天
風雨下西樓

題四皓廟

避秦安漢去藍關松桂花陰滿舊山自是無人有歸意白雲

長在水滸滸

送宋處士

賁藥修琴歸去遲
山風吹盡桂花時
世間甲子須臾事
逢着仙人莫看棋

重別曾主簿

淚沿紅粉濕羅巾
重繫蘭舟勸酒頻
留却一枝河畔柳
明朝猶有遠行人

客有卜居不遂薄游汧隴者

海燕西飛白日斜
天門遙望五侯家
樓臺深鎖無人到
落盡春風第一花

合谿送王永歸東郭

劉子夏

君去春山誰共遊
鳥啼花落水空流
如今送別臨谿水
他日

相思來水頭

醉後口號

春草秋風老此身
一瓢長醉任家貧
醒來還愛浮萍草
漂寄官河不屬人

送元使君自楚移越

露冕行春向若耶
野人懷惠欲移家
東風二月淮陰道
惟見棠梨一樹花

已亥歲

曹夢徵

澤國江山入戰圖
生民無計樂樵蘇
憑君莫話封侯事
一將功成萬骨枯

尋山家

長孫佐輔

獨訪山家歇
還涉茅屋斜
連隔松葉主人
聞語未開門
繞籬

野菜飛黃蝶

河邊枯木

野火燒枝水洗根
幾園枯樹半心存
應是無機承雨露
却將春色寄吾痕

別友人

愁多不忍醒時別
想極還尋靜處行
誰遣同衾又分手
不知行路本無情

○宮怨

司馬札

柳色參差掩畫樓
曉鶯啼送滿宮愁
年年花落無人見
空逐春泉出御溝

旅懷

杜安之

月華星彩坐來收
岳色江聲暗結愁
半夜燈前十年事
一時

和雨到心頭

寄張書記

二更更盡到三更
吟破離心句不成
幾樹秋風滿庭月
憶君未復下階行

聞子規

楚天空闊月成輪
蜀魄聲聲似訴人
啼得血流無用處
不如緘口過殘春

新鴈

暮天新鴈起汀洲
紅蓼花疎水國秋
想得故園今夜月
幾人相憶在江樓

溪興

山雨溪風卷釣絲
瓦甌蓬底獨斟時
醉來睡着無人喚
流下

前灘也不知

贈僧

利門名路兩何憑
百歲風前短焰燈
只恐為僧心不了
為僧心了總輸僧

楊柳

孫魴

暖傍離亭靜
拂橋入流穿檻綠
搖搖不知落日誰相送
魂斷千條與萬條

曲江春望

唐茂業

杏艷桃嬌奪晚霞
樂遊無廟有年華
漢朝冠蓋皆陵墓
十四宜春下苑花

長溪秋思

柳短莎長溪水
流雨微烟暝立溪頭
寒鴉門前山去杜曲

黃昏獨自愁

常曲

欲寫愁腸愧不才
多情練漉已低摧
窮郊二月初離別
獨倚寒村鼻野梅

過長陵題高廟

耳聞明主持三尺眼見愚民盜
一杯千古腐儒騎瘦馬
灑陵斜日重回頭

仲山

千載遺踪寄薜蘿
沛中鄉里漢山河
長陵亦是閑立壘
異日誰知與仲多

題天台寺壁

任翻

絕頂新秋生夜涼
鶴翻松露滴衣裳
前峰月照半江水
僧在

微開竹房

憶故園

顧侃

惆悵多山人復稀
杜鵑啼處淚沾衣
故園此去千餘里
春夢猶能夜半歸

寄山僧

張喬

大道本來無所染
白雲那得有心期
遠公獨刻蓮花漏
猶向山中禮六時

寄維揚故人

離別河邊縮柳條
千山萬水玉人遥
月明寄得相尋處
城鎮東風十五橋

秋塘曉望

吳商浩

鐘盡疎桐散曙鴉
故山烟樹隔天涯
西風一夜秋塘晚
零落幾多紅藕花

幾多紅藕花

上陽宮

竇曾卿

愁雲慘慘草離離
太乙勾陳處
疑日暮
殿垣春雨裏
殘花猶發萬年枝

冬夜寓懷寄王翰林

滿地霜蕪葉下枝
幾回吟斷四愁詩
漢家若欲論封禪
須及相如未病時

訪隱者不遇

竇友封

籬外消₃澗水流
橫花半照夕陽收
欲題名字知相訪
又恐芭蕉不耐秋

寄南游兄弟

書來未報幾時還
知在三湘五嶺間
獨立衡門秋水闊
寒鴉

飛去日衡山

別墅寄兄

懶性如今是野人行
藏由興不由身
莫驚此度歸來晚
買得西山正值春

南游感興

傷心欲問前朝事
惟見江流去不回
日暮東風春草綠
鷓鴣飛上越王臺

宮人斜

離宮路繞北原斜
生死深恩不到家
雲雨合歸何處去
黃鸝飛上野棠花

柘役遇風謝湘中春色

熊孺登

水主風熟布帆新
只見公程不見春
應被百花撩亂笑
比來

天地一閑人

湘江夜汎

江流如箭月如弓
行盡三湘數夜中
無柰子規啼向蜀
一聲聲似怨春風

贈侯山人

一見清容愜素聞
有人傳是紫陽君
來時玉女裁春服
剪破湘山幾片雲

偶興

羅昭諫

逐隊隨行二十春
曲江池畔避車塵
如今贏得將衰老
閒看人間得意人

宮鳥栖

趙承祐

宮鳥栖處玉樓深
微月生簷夜下心
香輦不回花自發
春來

空帶辟寒金

江樓書感

獨上江樓思渺然，月光如水，如天同來望月人。何處風景依稀似去年。

寄遠

禁鐘聲盡見栖禽，關塞迢迢，故國心無限。春愁莫相問，落花流水洞房深。

宛陵館冬青樹

碧樹如烟覆晚波，清秋欲盡客重過。故園亦有如烟樹，鴻鴈不來風雨多。

靈巖寺

靈娃宮畔千年寺，水闊雲多客到稀。聞說春來倍惆悵，百花

深處一僧歸

送肖俛歸山

人間軒冕一鴻毛，天上人情謾自勞。脫却朝衣便東去，青雲不似白雲高。

經汾陽舊宅

門前不改舊山河，破虜曾輕馬伏波。今日獨經歌舞地，古槐踈冷夕陽多。

長信宮

孟暉之

君恩已盡欲何歸，猶有殘香在舞衣。自恨身輕不如燕，春來還繞御簾飛。

閨情

山上有山歸未得，湘江暮雨鷓鴣飛。蘼蕪亦是王孫草，莫送

春香入客衣

暮春澆水送別

韓成封

綠暗紅稀出鳳城暮雲宮闕古今情行人莫聽宮前水流盡
年光是此聲

華清宮

司空表聖

漁陽烽火照函關玉輦忽下此山一曲霓裳聽不盡至今
遺恨水潺潺

南北史感遇

佳人有折一枝紅把唱新詞曲未終惟向眼前憐易落不如
拋擲任春風

自河西歸山

水閣風驚去路危孤舟欲上更遲鶴群長繞三珠樹不借

人間一隻騎

漫書

長擬求閑未得閑又勞行役出秦關遙人漸覺鄉音異却恨
鶯聲似故山

城西訪友人別墅

雍國鈞

澧水橋邊小路斜日高猶未到君家村園門巷多相似處
春風枳殼花

西歸出斜谷

行過險棧出褒斜出盡平川似到家無限客愁今日散馬頭
初見米囊花

貧居春愁

貧居盡日冷風烟獨向簷床看雨眠寐寔春風花落盡滿庭

揄茨似秋天

春詠

風惱花枝不耐頻等閑飛落易愁人殷勤最是章臺柳一樹
千枝管帶春

韋處士郊居

滿庭詩景飄紅葉繞砌琴聲滴暗泉門外晚晴秋色老萬條
寒玉一谿烟

經故太尉段公廟

徒想追兵緩翠華古碑荒廟閉松花紀生不向熒陽死豈有
山河屬漢家

和孫明府懷舊山

五柳先生本在山偶然為客落人間秋來見月多歸思自起

開籠放白鷗

寄襄陽章孝標

青油幕下白雲邊日日空山夜夜泉聞說小齋多野意枳花
陰裏麝香眠

過南隣花園

莫恠頻過有酒家多情長是惜年華春風堪賞還堪恨總見
開花又落花

宿石門山居

窓燈欲滅夜寒生螢火飛來促織鳴宿客幾回眠又起一溪
春水枕邊聲

天津橋春望

津頭春水浸紅霞烟柳風絲拂岫斜翠輦不來金殿閉宮鶯

銜出上陽花

夏日寄江上親友

雨過山前日未斜清蟬嘒嘒落槐花車輪南北已無限江上
故人纔到家

宿嘉陵驛

離思茫茫正值秋每因風景却生愁今宵難作刀州夢月色
江聲共一樓

小遊仙二首

曹堯賓

方士飛軒駐碧霞酒香風冷月初斜不知誰唱歸春曲落盡
谿頭白玉花
芝蕙芸花爛熳春瑞香烟露濕衣巾玉童私地誇書信偷寫
雲謠暗贈人

長門宮

裴文恭

自閉長門經幾秋羅衣濕盡淚還流一種蛾眉明月夜南宮
歌管北宮愁

山亭夏日

高千里

綠樹陰濃夏日長樓臺倒影入池塘水精簾動微風起滿架
薔薇一院香

風箏

夜靜絃聲響碧空宮商信任往來風依稀似曲才堪聽又被
移將別調中

馮懷

漁竿消日酒消愁一醉忘情萬事休却恨韓彭興漢室功成
不向五湖遊

下第後上高侍郎

高蟾

天上碧桃和露種日邊紅杏倚雲栽
夫容生在秋江上不向春風怨未開

春

明月斷魂清藹平蕪歸思綠迢迢
人生莫遣頭如雪縱得春風亦不消

旅夕

風散古陂驚宿鴈月臨荒戍起啼鴉
不堪吟斷無人見時復寒燈落一花

金陵晚望

曾伴浮雲歸晚色猶陪落日泛秋聲
世間無限丹青手一段傷心畫不成

秋日北固晚望

澤國路岐當面苦江城砧杵入心寒
不知白髮誰醫得為問無情歲月看

長門怨

崔道融

長門花泣一枝春爭奈君恩別處新
錯把黃金買詞賦相如自是薄情人

有別

且將絲線繫蘭舟醉下烟燈減去愁
江上有樓君見上落花隨浪正東流

楚懷王

宮花一朶掌中開緩頰翻為敵國媒
六里青山天下笑張儀容易去還來

華清宮

杜常

行盡江南數十程曉風殘月入華清朝元閣上西風急都入
長楊作雨聲

古意

王駕

夫戍蕭關妾在吳西風吹妾憂夫一行書信千行淚寒到
君邊衣到無

○ 春晴

雨前初見花間葉雨後全無葉底花蜂蝶紛過塔去却疑
春色在鄰家

○ 社日

三體作
張演詩

鵝湖山下稻梁肥豚栅雞埭半掩扉乘柘影斜春社散家家
扶得醉人歸

山路見花

崔魯

曉紅輕拆露香新獨立空山冷笑春意自知無主惜恁風
吹逐馬蹄塵

華清宮二首

○ 草遮回磴絕鳴鑿雲樹深碧殿寒明月自來還自去更無
人倚玉闌干

門橫金鎖悄無人落日秋聲渭水濱紅葉下山寒窸濕雲
如夢雨如塵

看花

羅鄴

花開只恐看花遲及到愁如未看時家在楚鄉身在蜀一年
春色負歸期

公子

雕鞍玉勒照花明
過後香風特地生
半醉五侯門裏客
月高猶在禁街行

賞春

芳草和烟暖更青
閑門要路一時生
年以點檢人間事
唯有東風不世情

寄隣庄道侶

韓致光

聞說經旬不啓關
藥窓誰伴醉開顏
夜來雪壓前谿竹
剝見谿南幾尺山

寒食二首

策策輕寒剪剪風
杏花飄雪小桃紅
夜深斜搭鞦韆索
樓閣朦朧細雨中

清江碧草兩悠悠
各自風流一種愁
正是落花寒食雨
夜深

無伴倚空樓

襄漢旅道軍後有感

水自潺湲日自斜
盡無雞犬有鳴鴉
千村萬落如寒食
不見人烟空見花

雷公

聞人倚柱笑雷公
又向深山霹靂松
必若有蘇天下意
何如驚起武侯龍

野塘

侵曉乘涼偶獨來
不因魚躍見萍開
卷荷忽被微風觸
瀉下清香露一杯

醉着

萬里清江萬里天
一村桑柘一村烟
漁翁醉着無人喚
過午

醒來雪滿船

折楊柳三首

王有道

枝交影鎖長門嫩色曾露雨露恩鳳輦不來春欲暮空留
鸞語到黃昏于鱗選到段成式

水殿年占日芳柔條偏惹御爐香而今萬乘多巡狩輦路
無陰綠草長

嫩葉初齊不耐寒和風時拂玉闌干君王去日曾攀折泣雨
傷春翠黛殘

寄人二首

張泌

別夢依到謝家小廊迴合曲攔斜多情只有春庭月猶為
離人照落花

皓魄屈月為多情還到春時別恨生倚樹尋思倍惆悵一場

春夢不分明

秋曉

客離孤館一燈殘半落星河欲曉天雞唱未沉函谷明鴈聲
新渡灞陵烟

楊柳

皇甫松

爛熳春歸水國時吳王宮殿柳垂絲黃鶯長叫空閨畔西子
無因更得知

浪淘沙二首

灘頭細草接疎林浪惡曾船半欲沉宿鷺眠洲非舊浦去年
沙嘴是江心

蠻歌豈惹北人愁松雨蒲風野艇秋浪起鷓鴣眠不得寒沙
細細入江流

送友人

水國蒹葭夜有霜，月寒山色共蒼蒼。誰言千里自今夕，離夢
杳如關塞長。

薛濤

題竹郎廟

竹郎廟前多古木，夕陽沉入山更綠。何處江村有笛聲，笛聲
盡是迎郎曲。

閑吟

君山父老

湘中老人讀黃老手，援紫藟坐碧石。草春至不知湖水深，日暮
忘却巴陵道。

長慶春

徐凝

山頭水色薄籠烟，遠客新愁長慶年。身上五勞仍病酒，天桃
窓下肯花眠。

吳興送別

和長文

柳家汀洲孟冬月，雲寒水清荻花發。一枝特贈朝天人，願比
蓬萊殿前雪。

虜患

張陵

今日漢家探使迴，蟻豐胡兵來未歇。春風渭水不敢流，總作
六軍心上血。

宿青牛谷梁鍊師仙居

楊中師

隨雲步入青牛谷，青牛道士留我宿。可憐夜久月明中，唯有
壇邊一枝竹。

古調

衛象

鵲血調弓濕未乾，鷓鴣新淬劍光寒。遼東老將髮成雪，猶向
旄頭夜裏看。

瓜州送朱萬言

顧非熊

渡頭風晚葉飛頻君去還吳我入秦雙淚別家猶未斷不堪
仍送故鄉人

絕句

韋鵬翼

豈肯閑尋竹徑行却嫌絲管好蛙聲自從煮鶴燒琴後背却
青山臥月明

唐昌觀玉蕊花

傅子容

比瑒更藝總未佳要須博物似張華因觀異代前賢帖知此
唐昌玉蕊花

悼亡妓

朱褒

魂歸漠漠魄歸泉只住人間十五年昨日施僧裙帶上斷腸
猶繫琵琶絃

朝落望終南山

李拯

紫宸朝罷綴鴛鴦丹鳳樓前駐馬看惟有終南山色好晴明
依舊滿長安

題揚州木蘭院

王播

二十年前此院遊木蘭花發院初修而今再到經行處樹老
無花僧白頭

怨詩二首

姚氏月華

春水悠悠春草綠對此思君淚相續羞將離恨向東風理盡
秦箏不成曲

與君形影分胡越玉枕終年對離別登臺北望烟雨深回身
泣向寥天月

○ 答章丹

釋靈徹

年老心閑無外事。麻衣草座亦容身。相逢盡道休官去。林下何曾見一人。

送友人之上都

釋法振

玉帛徵賢楚客稀。猿啼相送武陵歸。潮頭望入桃花去。一片春帆帶雨飛。

舟行懷閩和士

釋皎然

二月湖南春草遍。橫山渡口花如霰。相思一日在孤舟。空見歸雲三兩片。

晚秋破山寺

秋風落葉滿空山。古殿殘燈石壁間。昔日經行人去盡。盡關雲夜。自飛還。

楊柳四首

釋齊己

鳳樓高映綠陰。凝重多含雨。露深莫謂一枝柔。軟力幾曾

牽破別離心

館娃宮畔響廊前。依託吳王養翠烟。翺去國亡臺謝。殿却隨紅樹噪秋蟬。

穠低似中陶。潛酒軟極如傷宋。玉風多謝將軍遠。營種翠中閑卓戰旗紅。

高僧愛惜遮江寺。遊子傷殘露野橋。爭似著行垂上苑。碧桃紅杏對搖搖。

詠劍池

無名氏

劍去池空一水寒。遊人來此凭欄干。世間萬事消磨盡。只有青山好靜觀。

後晉

楊柳二首

和成績

軟碧搖烟似送人
映花時把翠眉頻
青入自是風流主
慢飛

金絲待洛神
鵲橋初就咽
銀河今夜仙
郎自性和不是
惜年攀桂樹
豈能

月裏索姮娥

楊柳

徐光憲

閭門風暖落花乾
飛遍江城雪不寒
獨有晚來臨水驛
閑人多凭赤闌干

